

Дунё адабиёти шеъриятидан

**ЗАМОНАВИЙ  
ТУРК ШЕЪРИЯТИ**  
(кичик антология)

Таржимон:  
Абдулатиф АБДУЛАЕВ

Тошкент  
«Истиқлол»  
2006

Ушбу кичик антологиядан замонавий турк шеъриятининг Нозим Ҳикмат, Нажиб Фозил Қисакурак, Жоҳид Ситқи Таранжи, Ўрхон Вели Қоник, Фозил Ҳусни Доғларжа, Атилла Илҳан Мовий, Жамол Сурайё. Сезай Каракоч, Жоҳид Зарифўғли ва Исмат Узал каби намояндалари ижодидан сара намуналар ўрин олган. Энгмуҳими, ҳар бир шоирҳаётива ижодининг муҳим қирралари, шеъриятининг ўзига хос хусусиятлари ҳақида мухтасар маълумот берилган.

Замонавий турк шеъриятининг ушбу намуналари кўнгилларга ёниб яшаш туйғусини сингдира билиши билан ҳам қадрлидир. Бинобарин, шеъриятининг бош мақсади ҳам шуурларни ёлқинлантиromoқ, қалбларда тоза бир умид уйғотмақдур.

Китобуниверситетнинг филолог талабалари ва барча шеърият мухлислариiga мўлжалланган.

*Сўзбоши муаллифи:*  
филология фанлари доктори  
Нурбой Жабборов

*Сўнгсўз муаллифи ва масъул мұхаррир:*  
филология фанлари номзоди, доцент  
Адҳамбек Алимбеков

*Тақризчи:*  
филология фанлари доктори, профессор  
Қозоқбай Йўлдошев

*Мұхаррир:*  
Азиз Сайд

*Нашрга тайёрловчилар:*  
Рауф Субҳон  
филология фанлари номзоди  
Абдумурод Тилавов

## «МЕН ЁНМАСАМ, СЕН ЁНМАСАНГ...»

Шоир, шеър ва шуур... Соф лингвистика нуқтаи назаридан ҳам бу учала сўз ўзакдош. Не ажабки, улар моҳияттан ҳам ўзаро үйғундир. Шеър - инжа туйғуларнинг теран маъно ва гўзал бадиият билан бетакрор ифодаланиши. Шоир - қудрат соҳибидан беназир истеъдод ато этилган, шеър воситаси-ла шуурларга нур берувчи нодир шахсият. Шу боис қўхна Шарқда назм аҳли бениҳоя қадрланган, ҳануз эҳтиромга сазовордир.

Шеърият турғун ҳодиса эмас. Мудом янгиланиб, такомиллашиб, бойиб боради. Айрим даврларда таназзул жараёнини ҳам бошдан кечириши мумкин. XX асрдаги эврилишлар жаҳон халқлари, жумладан, туркий миллатлар шеъриятига ҳам ўз таъсирини ўтказди. Айниқса, шаклий ўзгаришлар (бу муайян даражада мавзу ва мазмунга ҳам тегишли) кенг кўламда бўй кўрсатди. Лекин ҳазрат Навоийнинг

*Назмда ҳам асл анга маъни дурур,*

*Бўлсун анинг сурати ҳар не дурур -*

деган сўзлари зинҳор ўз аҳамиятини йўқотган эмас.

Бугун дунё адабиётидан, шу жумладан, қардош халқлар адабий тафаккуридаги эврилишлардан боҳбар бўлишга, уларни миллий адабиётимиз намуналари билан қиёслаб ўрганишга, бундан муайян хуносалар чиқаришга катта эҳтиёж сезилаётир. Шу жиҳатдан, мутолаа қилиш имкониятига эга бўлаётганингиз - замонавий турк шеъритидан қилинган таржималар ўз вақтида бажарилган эътиборга молик иш, дейиш мумкин.

Қисқача таржимон ҳақида. Абдулатиф Абдуллаев ҳали бакалавриат босқичи талабаси. Ҳаракатчан, табъи назми бор бу укамизнинг энг мухим фазилати - адабиётга муҳабоагидир. Шунинг учун таржимадек дикқатталаб ва заҳматли меҳнатга дадил қўл ураётир. Сўз нафосатини нозик ҳис қила билиши, университетдаги устозлардан олинган сабоқларни пухта ўзлаштиргани таржиманинг муваффақиятини таъминлаган мухим омиллардир.

Ушбу кичик антологиядан замонавий турк шеъриятининг Нозим Ҳикмат, Нажиб Фозил Қисакурак, Жоҳид Ситқи Таранжи, Ўрхон Вали Каниқ, Фозил Ҳусни Доғларжа, Атилла Илҳан Мовий, Жамол Сурайё, Сезай Каракоч, Жоҳид Зарифўғли ва Исмат Ўзал каби намояндалари ижодидан сара намуналар ўрин олган. Энг мухими, ҳар бир шоир ҳаёти ва ижодининг мухим қирралари, шеъриятининг ўзига хос хусусиятлари ҳақида мухтасар маълумот берилган.

*Мен ёнмасам,*

*Сен ёнмасанг,*

*Биз ёнмасак...*

*Қандай ичар қаро тунлар,*

*Ойдинликдан қониб-қониб.*

Нозим Ҳикматнинг бу мисралари шеъриятнинг асл мақсади, шоиру шеъру шуур ҳақидаги фикрларимизнинг бетакрор тасдиғидир. Таржимада учрайдиган айрим жузъий нуқсонлардан қатъи назар, замонавий турк шеъриятнинг ушбу намуналари кўнгилларга ёниб яшаш туйғусини сингдира билиши билан ҳам қадрлидир. Бинобарин. шеъриятнинг бош мақсади ҳам шуурларни ёлқинлант ирмоқ, қалбларда тоза бир умид уйғотмакдур.

**Нурбой ЖАББОРОВ,**  
филология фанлари доктори

## НОЗИМ ҲИКМАТ (1901-1963)

Туркияning Селаник воҳасида туғилган. Бошланғич таълимни Гўзтепа Тошмактаби, Галатасарой лицейи ва Нишонтоши Намуна мактабларида олган. Баҳрия мактабида беш йил ўқигач, соғлиғи ёмонлашгани туфайли кетишга мажбур бўлган. Маълум муддат Батумда қолгандан сўнг Россияга ўтиб, Москва Шарқ Университетида иқтисод ва жамиятшунослик соҳасида ўқиган. Юртига қайтишида анча пайт Ҳара қамоқхонасида ушлаб турдилган. Сўнг Истанбулга жойлашиб, турли газета ва журнallарда, киностудияларда ишлаган. Иш фаолияти давомида илк драмалари, шеърий китобларини нашр эттирган. Турли газеталарда Ўрхон Салим тахаллуси билан бош мақолалар ёза бошлади. Турли тазийклар сўнгида Туркиядан чиқиб кетишга қарор қилган. Варшава ва Москвада яшаган. Москвада вафот этган.

Шеър китоблари: "835 сатр" (1929), "Жаконд билан Си-Я-У" (1929), "Борган 3" (1930), "1+1+1" (В. Ноил билан бирга, 1930), "Овозини йўқотган шаҳар" (1931), "Бенрид ўзини нега ўлдирди" (1932), "Тунда келган телеграф" (1932\*), "Таранта Бабуга мактублар" (1935), "Симавна қозисининг ўғли Шайх Бадриддин достони" (1936), "Қутулиш жангиги достони" (1965), "Мамлакатимдан инсон манзаралари" (1966, 1967), "Соат 22-22 шеърлар" (1965), "Рубоийлар" (1966), "Тўрт қамоқхонадан" (1966), "Янги шеърлар" (1966), "Сўнгти шеърлари" (1970), "Тўла асарлари" (1980, саккиз жилд).

Илк асарларида лирик ва эпик жанрни омухта қилган Нозим Ҳикмат, "Шайх Бадриддин достони" билан девон (классик) шеърияти, халқ оҳанглари ва модерн шеър унсурлари асосида ўзига хос янги бир услубни қўллади. Нозим Ҳикматни "давр билан ҳамнафас шоир", шеъриятини эса маълум маънода "тарих китоби" ёхуд ўзининг ҳаёт тарихи десак янглишмаймиз.

### КАРАМ<sup>1</sup> КАБИ

Ҳаво қўрғошиндай оғир!...

Бақир

бақир

бақир

бақирияпман...

Чопинг қўрғошинни бир-бир,

Эритмоқقا

Чақирияпман...

У айтади менга: эй сен,

Ўз овозингдан ёнасан,

Кул бўласан

Карам каби,

Ёниб

ёниб

ёниб

ёниб...

"Дааард кўп,  
ҳамдард йўқ"

Юракларнинг қулоғи кар,

<sup>1</sup> Карам ва Асли" турк ишқий достони қаҳрамони

Ҳаво қўрғошиндай ботар...  
Мен айтаман унга, хўп мен,  
Кул бўлайин Карам каби,  
Ёниб  
ёниб  
ёниб  
ёниб...

Мен ёнмасам,  
Сен енмасанг,  
Биз ёнмасак...  
Кандай ичар қаро тунлар,  
Ойдинликдан қониб, қониб?!...  
Ҳаво тупроқдай қориндор,  
Ҳаво қўрғошиндай оғир...

Вақир  
бақир  
бақир  
бақирияпман,  
Чопинг,  
қўрғошинни мумдай  
Эритмоққа  
Чақирияпман...

("Овозини йўқотган шаҳар" китобидан, 1930, май.)

## ҚИЗГИНАМ

Эшикларни қоққан менман,  
Эшиклар орти тириклар...  
Кўзингизга кўринмасман,  
Кўзга кўринмас ўликлар...

Хиросиманинг улими,  
Ўн йилга ё юз йил борар.  
Етти ёшдаги бир қизим,  
Каттармас ўлган болалар...

Сочларимнинг оқлари мўл,  
Кўзимдан ёшлар томчилар...  
Бир ҳовуч чўғ бўлиб сўндиним,  
Кулим ҳавога сочилар...

Менинг ахир ўзим учун,  
Ҳеч бир ўтинч, истагим йўқ.  
Шакар емай қолди қизим,  
Кўзин очмас, қистагим йўқ...

Ураяпман эшигингиз,  
Буви, бобо, сўранг изн.  
Болалар ўлдирилмасин,  
Шакарини есин қизим!...

("Янги шеърлар" китобидан, 1956 йил.)

## ФАВҚУЛОДДА

(Хибсхонада ёзилган)

Фавқулодда мамнунман, дунёга келганимга,  
Тупрофини, нурларини, ғавғосини ва нонини севаман.  
Тўрт бурчининг ўлчовини, қарич-қарич биламан-у,  
Бу дунёning буюклиги, сирларидан лол бўламан.

Унда кезиб, кўрмаганим - балиқларни, озиқларни,  
Юлдузларни кўрмоқ истардим...  
Ҳолбуки мен...  
Расмларда, ёзувларда,  
Оврўпога борар йўлни, ўз-ўзимча чизардим...

Осиёда маркаланган, бир дона мактуб олмадим...  
Мен ва бизнинг баққол - иккимиз мажҳулмиз Америкада.  
Лекин Хитойдан Испаниягача, Умидбурнидан Аляскагача,  
Нетай дўстлар, ҳар қадамда минг дўсту минг душманим бор.

Дўстларим-ла кўришмадик, гарчи айни нону ҳуррият деб,  
Ҳурриятнинг ҳасратидан доғ ўлурмиз.  
Ва душманлар қонимизга жуда ташна бўлиб қолди,  
Биз ҳам улар каби охир, қонига ташна бўлурмиз.

Менинг кучим бу дунёда, ёлғиз қолмаганлигимдир,  
Миямда чарх урар дунё, инсон юрагимда яшар.  
Мен кутқариб миямни ишора ва саволлардан,  
Буюк ғавғо ила очик ва андишасиз сафга кирдим.

Ғавғолардан андишасиз, балки тили ростлигимдир,  
"Бу сафларни ёриб ўт" - деб, ичимда бўронлар тошар.  
Ва ташқаридасан бу сафдан, сен ва тупроқ  
Менга кифоя бўлолмайсизлар...

Ҳолбуки сен фавқулодда гўзалсан,  
Тупроқ ҳам иссиқ ва гўзалдир...

("Тўла асарлари", 4-том)

## ТҮРТЛИК

Ер юзига уруғдай сочганман ўликларимни,  
Бири Одессада ётар, бири Истанбулда, Прагада кими.  
Ер юзиدير Нозимнинг энг севимли мамлакати,  
Ўлганда ерга ўраб, ер-ла ёпинг устини.

## РУБОИЙЛАР

Ўпди мени: "Булар коинот каби ҳақиқий дудоқлардир" деди,  
"Бу атир сенинг ижодинг эмас, соchlаримдан учган баҳордир" деди.  
"Иста, самоларни сайр эт, иста кўзларимга бок,  
Кўрлар уларни кўрмаса ҳам, юлдузлар бордир" деди.

\*\*\*

"Шароб-ла тўлдир қадаҳни, тупроқдан тўлмай туриб"- деди Ҳайём.  
Боқди унга ҳайрон, чаман қошидан ўтган йиртиқ кийимлик одам.  
Деди: "Мен неъматлари юлдузлардан кўп бу дунёда очман,  
Шаробга эмас ҳатто, нон олишга ҳам етмаски тангам" ...

\*\*\*

Ўлимни қисқа, умрингни ширин қисмат деб ўйлаб,  
Шароб ич, лола гулшанида ишқдан куйлаб.  
"Бу ширин қисмат насиб этмишки бизга-  
ўтирмаи қора уйда, кезайлик шаҳарлар, дунё бўйлаб..."

\*\*\*

Умр келиб-кетар, вақтни ғанимат бил, ғофил бўлмасдан,  
Ёқут шаробни биллур қадаҳга тўлдир соқий, қуёш кулмасдан.  
Шарму-ҳаёсиз ғафлат уйқусида ётма мудом сен,  
Ишқ шаробидан ичгил ҳамон, кофир бўлмасдан...

("Тўла асарлари", 5-том)

## БИР ШЕЪР КИТОБИННИГ МУҚОВАСИГА ҚАРАБ ЁЗИЛГАН ШЕЪР

Чўл келади, қумда кетган изи билан,  
Қутб келар, тилсиз, оппоқ бўзи билан,  
Денгиз келар, денгиз келар тузи билан,  
Водий келар ингичка бел този билан.

Тиник кўллар беллашар кўк юзи билан,  
Диёрбакир тунда чиқар қизи билан,

Дажла суви оқиб келар музи билан,  
Чинор қуши, балиқлар денгизи билан.

Кумуш юлдуз кемалар юлдузи билан,  
Булбул келар, олдинда гул нози билан,  
Илон келар қип-қирмизи кўзи билан,  
Инсон келар: "Эй марҳабо" сўзи билан.

Нозим дерки: "Чунки Айюб ўғли Бадри,  
Келаётир қаламию сози билан..."

(1947, "Тўла асарлари", 7-гом)

## ТУНА УСТИДА ЁЗИЛГАН ШЕЪР

Кўқда булут йўқ, ёмғирлар савдоли,  
Тунага қарадим - лойқали-лойқали.  
Хей Ҳикматнинг ўғли, Ҳикматнинг ўғли,  
Сен Тунанинг суви бўлсайдинг,  
Қора ўрмонлардан келсайдинг,  
Қора денгизга тўкилсайдинг,  
МовиИлашардинг,  
Мовийлашардинг,  
Мовийлашар эдинг.  
Ўтар эдинг Бўғозичидан,  
Тепангда Истанбул ҳавоси.  
Урилардинг Қозиқишлоқ гюргита,  
Урилардинг,  
Урилардинг,  
Урилар эдинг.  
Қайифига минаркан (ўғлинг) Мамат билан Онаси...

(1958, "Янги шеърлар" китоби)

## ЙИЛБОШИ

Ёғди, бутун кеча ёғди қор,  
Юлдузлар ҳам нур сочди порлоқ...  
Бир кўча, бир шаҳар, бир уй бор-  
Тахталик уй, узоқдан узоқ...

Миндар<sup>2</sup>да ястанар бир бола,  
Кимнинг ўғли сариқ, семириқ.  
Меҳмони йўқ уй қилар нола-  
Истанбул йўл қарап, дераза очиқ...

---

<sup>2</sup> тўшак

...Аччиқ-аччиқсайрайди қүшлар,  
Махбуслик кабидир ёлғизлиқ.  
Китобини ёпар Мунаввар,  
Йиғлайверар юмшоқ ва синик...

Бир кўча, бир шаҳар, бир уй бор,  
Тахталик уй, узоқдан узоқ.  
Ёғди, бутун кечади ёғди қор,  
Юлдузлар ҳам нур сочди порлоқ...

(1956 йил, 23 март, Москва. "Тўла асарлари", 7-том)

## "Ё АЙНИ, Ё ҲАБИБИ"

Порт Сайдлик Мансурим, ўн уч, ўн тўрт ёшида,  
Яланг оёқ, яланг бош, ўтириб бўёқ бўяр.  
Ойнали, қўнғироқли сандигининг бошида,  
Умидсиз, чанг, лойланиб туфлича боқиб турар.

Солланар, қанотланар, порлар қизил ҳадафа<sup>3</sup>,  
Кичик ботинкачалар, умидланар бу сафар.  
Бирини кийса Мансур, бири бўлади хафа,  
Аммо бари севиниб, сандиқ устидан тушар...

Мансурим қора, қуруқ хурмо уруғи каби,  
Мансурим ширин куйлар: "Ё айни, ё Ҳабиби".  
Порт-Сайдни ёқдилар, ўлдирдилар Мансурни,  
Тонгги газеталарда кўриб қолдим расмини.

Ётар ўликлар ичра, Хурмо уруғи каби,  
Дудоғи қимиirlайди: "Ё айни, ё Ҳабиби!!!"

(25.11. 1956, Прага)

## ДОН КИХОТ

Ўлимсиз ёшликтининг рицарлиги,  
Элликкача жимиб, сўнг келди аклига.  
Бир июл тонгига фатҳ учун чиқди,  
Ён босиб, гўзалга, тўғри, ҳақлига.

Қаршисида мағрур дунё туради,  
Дон Кихотча: "Аҳмоқ девлари" билан.  
Остида Росинант маҳзун борарди.  
Дон Кихотча: "Сирли ёллари" билан...,

<sup>3</sup> мато

Биламан, жанг қилиб, бу кўр ҳасратнинг,  
Учар гиламини олганинг.  
Ҳайратин ошириб ҳайратнинг,  
Дунёга қутқулар солганинг.

Йўли йўқ, менинг Дон Кихотим,  
Йўли йўқ дунёдан қочмоқнинг.  
Заррача ўзгариш бўлиши гумон,  
Шамол тегирмонин янчмоқдин...

Сен ҳақсан, Дулсиниянг дунёнинг,  
Энг гўзал аёли, биламан,  
Уни ҳимоялаб, сен ҳайқирасан,  
Одамлар, Сиз уни масхараламанг.

Сукутнинг енгилмас рииари,  
Сен ўчмас оловдай ёнасан.  
Оғир темирларинг қизиган сари,  
Сен Рицарлигингча қоласан.

Дулсиния яна-да гўзаллашади...

1947

## НАЖИБ ФОЗИЛ ҚИСАКУРАК (1905-1983)

1905 йил 26 майда Истанбулда туғилган. Отаси Абдулбоқи Фозилбей ҳуқуқшунос бўлган. Онасининг исми Мадиҳа хоним.

17 ёшида ўша даврдаги "Истанбул дорилфунуни Адабиёт мадрасаси, Фалсафа бўлими"га ўқишига кирган. Миллий Таълим Вазирлиги йўлланмаси билан бир йил Парижда ҳам ўқиган. Қайтгач, банкларда ходим, назоратчи, университет ва институтларда ўқитувчи бўлиб ишлаган. Тафаккур ва санъат йўналишидаги "Буюк Шарқ" (1943-1945) тўпламини нашр қилдира бошлагандан сўнг расмий доираларда ишламаган. 1934 йилнинг бир оқшоми унинг ҳаётида бурилиш ясаган: Шайх Абдулҳаким Арвосий билан қилган сұхбатидан кейин унинг этагини маҳкам тутган.

Кейинги ҳаётининг кўп қисми сиёсий айбловлар билан ўтган.

1973 йил Ҳаж зиёратига борган.

Шеър китоблари: "Ўргимчак тўри" (1925), "Пиллапоялар" (1928), "Мен ва нариги томон" (1932),

"Сўнгизлик карвони" (1955), "Шеърларим" (1969), "АЗОБ" (1945).

Шоир "Юнус Эмро", "Иброҳим Адҳам" каби драмалар муаллифи ҳамдир. "Сабртоши" драмаси 1947 йилги "Драмалар мусобақаси"да биринчи мукофотга лойик деб топилган. Шоир ижоди ўз даври ва кейинги насл шоирларига жиддий таъсир қўрсатди, дейиш мумкин.

Шеърларида чуқур тафаккурга чорлов, ўлим ва ёлғизлик мавзулари ўзига хос услуб ва бадиий жиҳатдан мукаммал бир тарзда тараннум этилади.

Шеърларида халқона оҳанг билан биргаликда Француз шеъриятининг таъсири қўринади.

### АЗОБ

#### I

Фойиблардан бир сас келди: бу одам;  
Кездирсин бўшлиқни олиб бўйнига.  
Ва учди тепамдан бир нафас, бир дам;  
Осмон ағдарилди, киshan ўйнида.  
Деразага чопдим: Қизил қиёмат!  
Айтганларинг келди, қари эгачи!  
Сўнгизлик, қўлида бир мовий намат,  
Ўқ отди самодан устимга овчи!...

Оловли захрини тотдим бу ўқнинг,  
Бир зумда кул қилди жон олмосимни.  
Гўё бурним тегди, бурнига (йўқ) нинг,  
Оғзимдан тушириб қўйдим бошимни...  
Бир финжон сув каби чайқалди дунё,  
Сўнди истиқомат, йиқилди бўшлиқ.  
Ол сенга ҳақиқат, ол сенга рўё,  
Мана ақллилик, мана сархушлик...

Бўйнимга қадалди темирдай овоз,  
Бекиндим ётоқقا сўнг чора дея...  
Бир қонли шафақдан қичқирди хўroz,

Яп-янги бир дунё этгандай ҳадя...

Бу қандай дунёки, баёни қийин.  
Макони бир қарич, замони ваҳм...  
Бутун бир коинот бошлайди ўйин...  
Бутун инсоният ёлғонга таслим.

Сен кимсан?! Ҳақиқат бўлсанг ҳам чекин,  
Кел кўрлик. Бу кўзга тутманглар ойна...  
Шу нурни қидириб кетардим, лекин...  
Ватаним... севгилим... кўзимни бойлар!

1939

## II

Ойларча, кезиндим вайрону -ҳайрон,  
Менлигим яширин, меним қидирап.  
Девона қишлоқдан бир қадам у ён,  
Ичимда ҳар фикр ҳар ён югурап.

Нечун кичраяди ашё узоқда,  
Кўzsиз кўраяпман рўени нечун?  
Замона рақс тушар сариқ ёноқда,  
Сўнгги бор мен уни ўйламоқ учун.

Бир қайноқ фикрки, қилиб қўяр соб,  
Бир фикрки, мия қобигидадир.  
Салом, салом сенга виқорли азоб,  
Вужудим куйукли ўсган ғўладир.

Ёлворай, кўрсатинг билмоғимга йўл,  
Эй еттинчи осмон, сирларингни айт.  
Онамнинг дуоси, келиб парда бўл,  
Отамнинг дуоси, мадор бўлиб қайт.

Уйку, қотилларнинг тутган қўлини,  
Кўрпа, худосизлар учун ҳам паноҳ.  
Тасалли булоғи, сабр елинини,  
Сизга шарбат, менга қум тўла чаноқ.

Шуми рўёлардан келган ҳаловат,  
Сирини қидириб портлаган бардош,  
Яшил осмаларда тебранар шаҳват,  
Қумурсқа уяси каби гавжум бош.

Чаён нишларини руҳимга санчар,  
Мавсумдан мавсумга ўтдим мен қанча  
Кўрдимки, оловнинг тафтида йўқдир,

Фикр азобидай буюк исканжа...

1939

### III

Ха, ҳар нарса менда яширин тугун,  
Не ўлим терларин тўқцим қайларга?!  
Тоқи йўқ осмондан етар қўрққаним,  
Етади азобим ердан ойларга.

Уфқ бир тулкидир, қочоқ, лўттибоз,  
Йўллар бир калава, узун қоришиқ...  
Ҳар кечада рўёмда битта ишқибоз,  
Кўзимга нур тутар олдимга тушиб...

Сеҳрбоз, сеҳрбоз нима истайсан?  
Бу оловли туман нега қўйнимда?  
Қилдан инжа, ўткир қиличнинг ҳар он,  
Заҳру тифи ботиб тураг бўйнимда!

Луғат, бир исм бер менинг ҳолимга,  
Ўша исм қолар агар мен ўлсам...  
Эски савобларим, келинг ёнимга...  
Ойналар, айтинглар кимдир бу кимса?!

Айтинглар, айтинглар, менманми йўқса,  
Орзуни орқалаб юрган сўлақмон?!  
Балолар Меъмори танлаган кимса,  
Ҳаётдан муҳожир, айрилган Ҳақдан.

Мен енгил қанотли бир капалакман,  
Шу ожиз вужудга оғир бош тақсан.  
Кичик зарраману, фикрлар ботмон,  
Санчиқтар бошимни талашиб чақсан...

На ёлгонларда бор, на ҳақиқатда,  
Кўзимни юмганда кўринган нақш.  
Бекорга кезибман, йўқтабиатда,  
Ичимда қўпётган тушиш ва чиқиш!...

1939

### IV

Тунда йиқилгандай макр чоҳига,  
Бирдан қучоғига тушдим гарчакнинг<sup>4</sup>.  
Жавоб топгандайман топишмоғига,

<sup>4</sup> ҳақиқатнинг

Ҳам ўтган замоннинг, ҳам келажакнинг.

Очил Симсим, очил! Очилди ёриқ,  
Атлас чакмонида тураг қария...  
Ёнди бутун сарой, илоҳий ёзик;  
Минг битта қандиллар, минг бир жория...

Атомлардай жумбуш, ясанган шонлик  
Ва халқа-халқа нур, халқа-халқа нур...  
Ичимда бир меъмор-яширин менлик,  
Билдим сени ё Раб, билинмас машҳур!

Низом кўпиради, мавжланар денгиз,  
Низом кўпиради, миям чайқалар.  
Сувда ҳам сирли йўл, ялтираган из;  
Унда азал фикри, карвон туйғулар...

Қочир мени, оҳанг, ол мени, Бирлик;  
Ортиқ юкинмайман соя борлиқقا.  
Қийноқларга бўлсин сохта шоирлик,  
Менинг кўзим буюк санъаткорлиқда...

Нарилар берилар - ғоя қуллари,  
Масофа - экиним, замон - маъданим.  
Энди меникидир сомон йўллари,  
Тубсизлик кўлида ранжигай таним...

Тиз чўк, эй олчоқ нафс, олдимда тиз чўк!  
Бутун боринг билан бир хумчага туш.  
Жамики шохларнинг илдизи буюк-  
Сўнгсизлик, мақсадим сенга эришиш...

1939

## СЎНГСИЗЛИК КАРВОНИ

Сўнгсизлик карвони, ортингиздаман,  
Уч оёқца қолган чўлоқ кўпракман.  
Сизлар босган ҳар бир тошни ўпяпман...  
Бир ранжида етар карамингиздан,  
Сўнгсизлик карвони, ортингиздаман.

Кетиб бораётир нурли ҳайкаллар,  
Уфқ атрофида байроқдор қуллар.  
Тилсимларга тўла не олтин кўллар.  
Ўлчовдан, оҳангдан ташқари йўллар.  
Кетиб бораётир нурли ҳайкаллар.

Сўнгизлиқ карвони, қилмангиз озод,  
Кулингиз бўлмоқлик буюк ҳуррият.  
Ўлимга етаклар бошқа ҳар ният,  
Босган қадамингиз абадий ҳасад...  
Сўнгизлиқ карвони, қилмангиз озод.

Ортингиздадирман, буюк карвоним!...

1957

## ҲИКМАТЛИ БАЙТЛАР

### Меъмор

Ҳилқат қандай қурилган, яширин бу иқлиmlар?  
Қандай пайванд қилинган, овоз, ранглар, ҳажмлар?

### Ўйинчоқ

Синди-ку ўйинчоғим, энди ҳечам кулмайман,  
Чангиб тупроқ бўлсам-да, аммо ҳечам ўлмайман.

### Чиқиш ва тушиш

Чиқдим, чиқдим тушолмай, тоғлар қўлимдан тутди,  
Тушдим, тушдим чиқолмай, чоҳлар қаърига ютди.

### Мантиқ

Тоғни таниган киши, чоҳни нега билмасин,  
Мадомики, чиқиш бор, тушиш нега бўлмасин.

### Ҳақиқат

Аллоҳга ҳақиқатдан, йўлга чиқмоқ мashaққат,  
Аллоҳдан йўлга чиқиб, борилган ер ҳақиқат.

### Бор-Йўқ

"Бор"нинг остида йўқлик, йўқдик остида борлик,  
Бошингни кўтариб бοқ, ҳатто бўшлиқ мозорлик.

### Иймон

Юм кўзингни, қалбингга ҳар он йўқликни уфур,  
Ўзингдан кетмоқ иймон, ўзингга келмоқ куфур.

### Чопиш

Ҳақиқат алмашади, сўнгига етмай жумла,  
Югураман етишга, Вужудда бор кучим-ла.

### **Қолмади**

Бузилган саройимдан, бирор нақш қолмади,  
Сиртга михланди кўзлар, ичга боқиш қолмади.  
Занглаған бошим менинг, миям тўла жароҳат,  
Унга ёстиқда эмас, сажда жойида роҳат.

Ўйлайман ҳар одамнинг, ҳар айбиди мен борман,  
Гуноҳ узун бир карвон, бошдин-оёқ мен борман.

### **Кўланкалар**

Кўнглимни чорлашади, самодаги ўлкалар,  
Оёғимдан тутади, ердаги кўланкалар.

Ҳасрат гўё бир шамол, эшик оралаб ўтар,  
Кўрганим гўзалликлар, қалбим яралаб ўтар.

### **Сув ҳақида**

Бу дунё инсонларга, маънавий ҳаммом бўлса,  
Ҳар ранги билан инсон, бир рангда тамом бўлса.

Сув бир шакл, асли рух, юрақдай паноҳланган,  
Ерда кирларга ботиб, булутларда покланган.

Коинотда не бўлса, сувда яшаган олдин,  
Устимиздан оқар-у, сен туғилдинг то ўлдинг.

## **ОЙНАДАГИ ХАЁЛИМГА**

Оқмаган ёшлардан қизарган юзинг,  
Болам, бутун сени кўп сўлғин кўрдим.  
Кўзингда кичкина бир нуқта хузун,  
Қувончни на кундуз ва на тун кўрдим.

Эгилган шохлардай ҳолсиз, ҳорғинсан,  
Сув келмас кўлмақдай ҳануз турғунсан,  
Ичи тилингансан, ичи қирғинсан,  
Сени ўз юртингда ҳам сургун кўрдим.

Ўтди бир жаноза ортидан умринг,  
Билмайман манзилинг қайларда бугун,  
Ҳар кун югурдинг-а, ҳар кун югурдинг,

Ортингдан ўзимнинг ўлимим кўрдим.

Сен бўл дейсан ва бўлур!

Ялтираб турган биллур,  
Фарёд сукутга дўнур<sup>5</sup>,  
Бир ранг бизга, ёлғиз ранг  
Ва бир овоз, бир оҳанг;  
Нур бергин Аллоҳим, нур!

Буюк девон ва ҳузур...  
Кутмоқда мозорни Сур.  
Сўнгсизлик, ўлимсизлик,  
Кўринмас кўримсизлик;  
Нур бергин Аллоҳим, нур!

Лойларда қуёш қолур,  
Олмос камтар, тун мағрур.  
Яқин, ёруғлик яқин;  
Сароб эмас нур тағин-  
Нур бергин Аллоҳим, нур!

Сен бўл дейсан ва бўлур!

1947

## КУТГАН

Сен тоғдаги қочоқ жайронсан,  
Мен изингга тушган ишқибоз.  
Дунёни ёрдамга чақириб сарсон-  
Бўзлама, оламда бор икки овоз...

Сенга вахм солар бу овлоқ йўллар,  
Ортингдан етади оёғим саси.  
Кучиб вужудингни номаълум қўллар,  
Кўксингни ёндирап оташ нафаси...

Кимсасиз хонангда қиши кечалари,  
Ваҳима қуршаса мени эслагин.  
Билки, қуршаётган менинг қўлларим,  
Билки, шамол эмас ҳужум бошлаган...

Кўксимдан ҳавога уфурдим заҳар...  
Сўндиради бир гул каби умрингни.  
Қочиб юрсангда сен шаҳарма-шашар,

<sup>5</sup> алмашур

Менга топширасан сўнгги кунингни.

Ўласан...қолади йўллар бе эга;  
Мен мозор-ла сирдош бўлиб кутаман.  
Келасан...бир куни сен учрашувга...  
Тупроғингда бир тош бўлиб кутаман!...

1930

## КУТИЛГАН

На хаста кутар сабоҳни<sup>6</sup>,  
На тоза ўликни мозор...  
На-да шайтон бир гуноҳни,  
Мен сени кутганим қадар.

Бўлди, истамайман келмоғинг,  
Йўклигингга чопиб келяпман...  
Балки керак шуни билмоғинг;  
Мен сени қидириб ўляпман...

1937

## ВИДО

Қўлимда, сукутнинг зорини тингла,  
Тингла-да, кўнглимни қўявер йитсин<sup>7</sup>,  
Сочларимдан тутиб, кўр кўзларинг-ла,  
Ёшли кўзларимни ўявер, йитсин...

Боравер, кузатиб борар қароқлар,  
Кўланканг кичраяр, секин йироклар.  
Ортингдан пойлаган қароқقا боқ-да,  
Бир лаҳза тикилиб туравер, йитсин.

Сочингнинг тақими белингга тушди,  
Умидим сен кетган йўлингга тушди,  
Қуриган япроқдай қўлингга тушди,  
Истасанг...Шамолга беравер, йитсин...

1923

## ОЙДИНЛИК

<sup>6</sup> Тонгни

<sup>7</sup> Йўқолиб кетсин

Уйғон ёрим, уйғон, сұнди юлдузлар,  
Күн қарши тепадан туғмоқ узрадир.  
Хар тонгда қүёшни күрган юлдузлар,  
Махмур күзларини юммоқ узрадир.

Уйғон ёрим! Саслар келди ғойибдан...  
Қоронғу қўзғалди, кўчди жойидан.  
Нурларнинг аввали эшик пойидан,  
Қора кўланкани қувмоқ узрадир.

Севгилим, эшикни чалди ойдинлик,  
Кўзларим қамашди, келди ойдинлик,  
Ичимда бутунлай қолди ойдинлик;  
Шу ойдинлик мени бўғмоқ узрадир!...

## ТОШЙЎЛЛАР

Кўчадаман! Кимсасиз кўчанинг ўртасида;  
Кетаяпман, ортимга боқмасдан юряпман.  
Йўлимнинг зулматларга туташган нуқтасида,  
Йўлимни пойлаган хаёлни-да кўряпман.

Қора осмон кулранг булуллар билан қопланган;  
Үйларнинг мўрисига далда берар яшинлар...  
Жинлар, инслар уйқуда, икки йўлдош отланган;  
Бири менман бириси... бири эса тош йўллар...

Томчи-томчи ичимда, бир қўрқув йифилмоқда;  
Ўйлайман ҳар кўчанинг, бошини кесган девлар.  
Менга қоп-қора ойна кўзлар-ла тикилмоқда;  
Кўзларига мил тортган ғаними каби уйлар...

Тошйўлкалар, азоб чеккан ёлғизларнинг онаси;  
Тошйўлкалар, ичимда яшаётган у кимдир...  
Тошйўлкалар, овоз тинса эшитилади саси;  
Тошйўлкалар, оғзимда буришаётган тилдир...

Менга эмас жон бериш, юмшоққина гўшада;  
Мен шу тош йўлкаларнинг эмизган боласиман!  
Қанийди тонг бўлмаса, бу қоронғу кўчада;  
Йўлимда давом этсам, тўйиб тун ҳавосидан.

Мен кетайин, йўл кетсин, мен кетайин йўл кетсин;  
Икки ёнимдан оқсин, бир сел каби фонуслар.  
"Тақ-тақ" оёқ сасимни, оч кўппаклар эшиксин;  
Йўллар яшкриб кетар, улар беҳуда излар...

Мен на тонгни кўрайин, на унга кўринайлн;

Кундузлар сизга қолсин, беринг қоронғуларни.  
Совқотган каби тунга, күрпа деб ўранайин;  
Ёпинг, устимга ёпиб, қўйинг қоронғуларни.

Узанаверса гавдам, йўллар қолса орқада;  
Олар муз каби тошлар, пешонамдаги ўтни.  
Киприклар секин-секин, қучоқлашиб борса-да;  
Ўлса... Тошйўлкаларнинг, қора савдоли дўсти...

1927

## БИНОЛАР СИРИ

Сир тутишга мослашган,  
Пардаларда ойдинлик.  
Девор шубҳалар осган,  
Сояларда ғамгинлик...

Устма-уст инсон тури,  
Бу қандай ҳаёт сири.  
Яқинлашганинг сари,  
Қочиб борар яқинлик...

1973

## БУ ЁМФИР

Бу ёмфир, бу ёмфир, бу қилдай нозик,  
Нафасдан нафисроқ ёққан бу ёмфир.  
Тиниб қолмасин деб оларман ҳадик-  
Ойналар юзимни танимай қолур.

Бу ёмфир танамни қийган бир арқон,  
Бўғзимга оғриқсиз қадалган пичоқ...  
Суягим тош ботар, этим чалажон,  
Шигалаб, санчилиб, майин ёғажак...

Бу ёмфир телбалик ваҳмидан устун,  
Қоронғу, қувилмас тушунчалардан.  
Жинларнинг миямга согани тугун-  
Сувлардан, саслардан ва кечалардан...

1934

## АЛАҲСИРАШ

Оёғим учida мушугим, ухлайди юнгига ўраниб,

Гўёки калава ўрайди, туклари туради тебраниб,  
Хурр, хурр,  
Хурр, хурр.  
Дераза кўзидан кўз каби, кузатар қоронғу кечалар,  
Атрофим айланар буқрилар, билмайман нечалар,  
Гурр-гурр,  
Гурр-гурр.  
Ўчиринг, сўндиринг чироқни, кетайин ўзимни қолдириб,  
Нурлардан ясалган бу руҳим порласин, кўзимни толдириб  
Нур-нур,  
Нур-нур.  
Жимисин, жимисин узоқда, менинг ўлимимга йиғлаган,  
Ўлмайман, орзулар қонимда, шундай бир ғалаён бошлаган  
Тур-тур,  
Тур-тур.  
Қанийди бир гўзал, бир гўзал қўллари қўлимда,  
Англатса яшашининг тотини, ўнгимда-сўлимда  
Бир-бир,  
Бир-бир...

## РОСА ЎТТИЗ ЙИЛ

Ўттиз йилки соатим, ишлабди мен турибман,  
Кўк юзидан хабарсиз, учирма учириман.

1934

## ОНАЖОНИМ

Оқ сочли бошингни сиқиб қўлинг-ла,  
Алиф қадцинг бўлди дол, онажоним.  
Бу титроқ қалбингни баҳтнинг йўлида,  
Ўткинчи елларга сол, онажоним.  
Ўйлама, кетар деб бу қоронғулар,  
Кечанинг ортида яна кеча бор.  
Болалар бақирав, оналар йиғлар,  
Ёшли кўзларинг-ла қол, онажоним.

Кўзларингда акси бир теран ҳечнинг  
Қанотинг ёйилган парвозинг учун.  
Абадий йўлингда ҳамроҳинг учун,  
Мени ҳам ўзинг-ла ол, онажоним.

1926

## ТОШЙЎЛЛАР-2

Буғдойранг бир аёл, тошийўлкалар бўйлаб тун,  
Шаҳд ичиди боши тик, хаёлларини зўрлар.  
Қоп-қора кўзларига, кўзларим қадалган зум,  
"Йўлимни пойладингми, кел" деб ўзига чорлар.

Ундан мени айириб, шамол кўксимдан сурар,  
Мен-чи етмоқ истайман, қучай бағримга олиб.  
Аммо ҳеч етолмайман, тонг ҳам уйқудан турар,  
Ҳайҳот! У бир порлок рух, мен эса руҳсиз қолип...

Ортимдан бир қаҳқаҳа, келар, яраланаман,  
Уни бошқа бирровга, ром бўлди деб ёнаман,  
Кўрсам деразасидан ечинган кўланкани...

Борсин, бугун қатра ғам кўрмасин кўз ёшимдан,  
Менга оппоқ бир поклик - ўралганда кафаним,  
Биламан, мен қабрда, у кетмайди бошимдан...

1927

### ТОШИЙЎЛЛАР-3

Бошини бир ғояга, сотган қаҳрамон каби,  
Этингу суюгинг-ла кўчаларга боласан.  
Ўралиб матоларга, бир тахти равон каби,  
Сўнгсиз масофаларнинг устидан ошоласан...

Фоҳиша ётоқлардан, қочган қунингдан бери,  
Эриган руҳларингиз дарднинг қуюшқонида.  
Сенинг соянгни ичган унинг қорачиқлари,  
У ҳам сенинг қонингда, сен ҳам унинг қонида.

Иккингни ҳам на бир ёр, на ошна сирдошинг бор,  
Сукут каби ҳурсизлар, чинқириб турасизлар.  
Дунёда бор юкингиз, ёлғизгина бошингиз,  
Уни ҳам ҳар ўлкага олиб югурасизлар...

Учқур отли суворий, чоптири, отингни чоптири,  
Сўнги қабрга бориб тақалган бу тошийўллар.  
Сенингдек тошийўлларни, чуқур англаған йўқдир  
Ва сен англаған каби, сени ҳам англар улар...

## ЖОҲИД СИТҚИ ТАРАНЖИ (1910-1956)

Шоир Жоҳид Ситқи Таранжи 1910 йил 4 октябрда Туркияning Диёрбакир вилоятида туғилган. Бошланғич таълимни Диёрбакирда, ўрта маълумотни Истанбулдаги Saint Joseph ва Галатасарой лицейларида олган. Олий маълумот олиш учун Парижга борди. Бироқ Иккинчи Жаҳон уруши бошланиши муносабати билан қайтишга мажбур бўлган (1940). Маълум вақтгача Истанбулга кўчиб ўтган отасининг ёнида тижорат билан шуғулланган. Шундан сўнг Анқарага ўтиб, Онадўли Ажанси (Хабар маркази), Тупроқ маҳсуллари Идораси ва Мехнат Вазирлигида таржимон бўлиб ишлаган. Оғир касалликка учраб, гапириш қобилиятини йўқотган (1954). Туркияда даволаниш натижа бермагач, 1956 йил 6 сентябрда Австрияning Вияна касалхонасига олиб борилди. Бироқ Виянада чамаси бир ойча умр кўргач, вафот этган. Анқарага кўмилган.

"Ўттиз беш ёш" шеъри 1946 йилги Шеър мусобақасида биринчи ўринни олгач, шоирнинг номи янада машхур бўлган. Шоир шунингдек, шеър таржималари билан ҳам шуғулланган. Жоҳид Ситқи Таранжи айни пайтда яхши ҳикоянавис ҳам эди. 33 шеъри 1972 йилда Неждет Адабағ томонидан итальян тилига таржима қилиниб, Миланда нашр этилган. Ҳикоялари асосан "Жумҳурият" газетасида чиқсан ва ҳикояларида Жевад Содик ва Ирфон Қудрат тахаллусларини қўллаган.

Шеърий тўпламлари: "Умримда сукут" (1933), "Ўттиз беш ёш" (1946), "Йиқилган гўзал" (1952). Шеърларидан намуналар ўлимидан сўнг "Сочмалар" (1971) ва "Барча шеърлари" (1983) номи билан китоб ҳолида нашр этилган.

Шунингдек, ўлимидан кейин "Зиёга мактублар" номли тўплами ҳам эълон қилинган. Бу китобда Жоҳид Ситқининг Галатасарой лицейида бирга ўқиган дўсти Зиё Усмон Сабога 1930-1946 йилларда юборган хатлари жамланган.

### КУН ЭКСИЛМАСИН

На туққан кунга ҳукмим ўтар!  
На ҳолимни англаган бордур.  
Оҳ, ақлимдан ўлимим ўтар,  
Сўнgra бир қуш, бир боғ ва бир нур...

Ва кўнгил Тангрисига дерки:  
-Парвом йўқ сен берган аламдан.  
Ҳар меҳнатга шайман, етарки,  
Кун эксилмасин деразамдан!

### ҚУЛОҚ БЕР

Қулоқ берки ҳавосида боғчамизнинг,  
Кўк мовийлигидан, шоҳ яшиллигидан,  
Бир кўшиқ айтилмоқда ўз менлигиндан,  
Қандай эшитсанг шу: шўх ёки ҳазин...

Қулоқ берки, руҳимизни дир-дир,  
Барглардаги томирчаларни ҳам тиратган...

Бир қўшиқ айтилмоқда ўз менлигимдан,  
Эшитганим сари умрим ортадир...

## ҚЎРҚҖАН НАРСАМ

Кун чекинди деразалардан,  
Ойналар ҳам қолишиди якка.  
Овоз келмас бўлди боғлардан,  
Кўк гумбази дўнди<sup>8</sup> қора бўёқقا.

Сувлар узилдилар бу чашмалардан,  
Қаердан тўлади, ҳовуз қаердан?  
Ахир Наргис гуллар очилган ердан,  
Бирон қуш учирмай қўйди аждарҳо!

На ёрдан кечилар ва на сирлардан,  
Қўрқиб бораяпман бу кечалардан.  
Бел боғлаб чиқсаму шу тепалардан,  
Шу тонг қуёш чиқмай қолса-я?...

## МАМЛАКАТ ИСТАЙМАН!

Мамлакат истайман,  
Кўк мовий, яшил барг, далалари бўлсин;  
Қушларнинг, гулларнинг диёри бўлсин.

Мамлакат истайман,  
На бошида дард, на дилида ҳасрат бўлсин;  
Ака-ука ғавғосига унда нихоят бўлсин!

Мамлакат истайман,  
На бой, на факир, сену мендан айри бўлсин,  
Қишининг узун тунлари, ҳар уйнинг хайри бўлсин.

Мамлакат истайман,  
Яшамоқ, севмоқ қадар дилингдан бўлсин;  
Бир шикоят бўлса, фақат ўлимдан бўлсин...

## ЎТТИЗ БЕШ ЁШ ШЕЪРИ

Ўттиз беш ёш! Йўлни ярим этар!  
Днте каби умр ўртасидамиз,  
Ўспиринлик чоғимиздаги гавҳар,  
Ялиниш, ёлвориш бугун фойдасиз,  
Кўзингнинг ёшига қарамай кетар.

<sup>8</sup> айланди

Чаккаларимга қор ёғдими қор,  
Менманми, Аллоҳим, бу ажинли юз?  
Шу кўзлар остида турган ҳалқалар?  
Нега бундай душман кўринаяпсиз?  
Йиллар бўйи дўст билганим ойналар?

Вақт билан қандайин алмашар инсон?  
Қайси суратимга боқсам мен эмас...  
Қаерда у кунлар, ўша ҳаяжон?...  
Бу кулиб турган ёш одам мен эмас,  
Ёлғондир, қайғусиз бўлганим ёлғон!...

Хаёллардан барпо илк муҳаббатим,  
Хотираси ҳатто бегона келар.  
Ҳаётни баробар бошлиған дўстим-  
Дўстларим йўлларда айрилиб қолар.  
Ёлғизлик устимга босиб келар жим...

Кўк юзининг бошқа ранги бор экан!  
Кеч билдим тоғларнинг сарт<sup>9</sup> бўлишини.  
Сув инсонни бўғар, олов ёқаркан!  
Ҳар туққан куннинг бир дард бўлишини,  
Инсон ушбу ёшга келиб топаркан!

Беҳи сариқ, анор қизил кузакда!  
Ҳар йил оз-оз ўзлаштириб топганим-  
Нега тунд учади қушлар узоқда?...  
Бу қандай жаноза, бу қандай ўлим?  
Нечанчи боғ кўрдим, жим кесилмоқда!...

Нетарсан, эй ўлим, ҳар ким бошида?  
Бир бора ухлаган бошқа уйғонмас.  
Ким билар қаерда, неча ёшида?  
Бир намозлик салтанатинг йўқолмас,  
Тахт мисоли у мусалло<sup>10</sup> тошида.

## ҲАЙРАТДА ҚОЛДИМ

Ҳайратда қолдим, қандай одим отай деб шошдим,  
Кун сиқади, кеча сиқади.  
Булутлар, туманлар ичиди адашдим;  
Кўк мовийлигига етди ҳасратим...

Сени ўйламасдан бўлмайди, Тангрим;  
Кутмаслик сендан мадад!

<sup>9</sup> қаттиқ

<sup>10</sup> ўлик ювиладиган тош

Сувнинг тубига қадар борди оёқларим;  
Сувнинг тубида ҳам ҳасрат!...

Қолмади умиднинг сўлғин ва жонсиз  
Нурида ҳарорат.  
Ва келди эшикка кишнаб, сабрсиз,  
Ўлим ниҳоят!...

## ЎЛИМДАН СҮНГ

Ўлдик, ўлимдан бир нарса кутиб,  
Буюк бир бўшлиққа йиқилди ҳайратим;  
Қандай эслолмайсан мусиқий ҳасратни,  
Кўк парчаси, чўп тўпи, куш пати...  
Яшашга ўргандик ўлимни унутиб...

Энди-чи, дунёдан ҳеч бир хабар йўқ;  
Йўқбизни излаган, сўраган кимсалар.  
Чунонам қоронғу, зулматки кечалар,  
Фарқсиз, борми ё йўқ деразалар;  
Оққан сувда ҳам аксимиздан асар йўқ...

## ШУНДАЙ ШЎНГИДИМКИ...

Шундай шўнгидимки бу оқшом усти,  
Кўшни ҳовли қаби келди кўк юзи...

Мен дунёдан бехабар бир боламан,  
Йитган ғилдирагим излаб бораман...

Чопинг болалар, чопинг қўшни қизлар,  
Ховучимга сифмаётир юлдузлар...

## ПАЙДОС<sup>11</sup>

Пайдос, бундан сўнг телбаликларга,  
Қаттиқ гапирмоққа бошлади ойналар.  
Етишга югурдим "Ишқ балиқлар"га,  
Мени енгиб қўйди бу ички қимор...

Нега пинҳон тутай, ғофил, осийман!  
Ўзим йўқотибман ёшлигимни ҳам.  
Миниб боражагим энг гўзал кемам...  
Олганини қайтиб бермас тўлқинлар...

<sup>11</sup> етар, бас

Майхоналар ва тонгги қаҳвалари,  
Жумла дўст, шоир, рассому сарсари.  
Ортиқ жунбушда бўлмасам тунлари,  
Ўйламанги "У бизга хиёнаткор..."

Ёш кетмоқда... қувват қолмади бизда,  
Киши уй, оила қилсин ёшлиқда.  
Вақти етиб бир кун ўлганимизда,  
Жанозамиз ерда қолмасин дўстлар...

## АББОС

Қани Аббос, вақт тамом,  
Оқшом дединг, келди оқшом.  
Ёз ўртага суфрамизни,  
Тинсин энди қалб оғрифи.  
Шу дарахт тагида бўлсин,  
Ариқча жилдираб турсин.  
Ойга айт чиқсин бу кеча,  
Кўринсин у истагимча.  
Кўрсат ҳукминг масофага,  
Вақтга, замонга, ҳавога...  
Тупроқ чангитиб, чопиб кет,  
Шундай фармон қилди Жоҳид.

Олиб келгин севгилимни Бешиктошдан!  
Қўмсаяпман ёшлигимни қайта бошдан!...

## ОНАЖОНИМ

Бир куни ёнингга келганимда,  
Бир нарса сезасан ҳолимдан-  
Ҳеч ҳайрон бўлмайсан, онажон!...

Бошимни қўяман тиззаларингга,  
Ўқсиб-ўқсиб йиғлай бошлайман,  
Бутун инсонларнинг ўрнига...

## ФАРИБ КИШИ

Бу оқшом илк бора йиғладим,  
Ҳувиллаган хонам деразасида;  
Қани бир оиласи, қани авлодим?  
Нима топдим ушбу ҳаётнинг  
Майхонасида-ю, корхонасида?  
Ётогим ҳар кеча шунчалар совуқ,

Саодат умрнинг қай нуқтасида?...

## **ХАЁЛ ҚИЛГАН НАРСАМ**

(Бешиктошли учун)

Кўк мовий, мовий кулимсиради,  
Яшил баргларнинг орасидан.  
Унинг олтин саси бир нарса сўрарди:  
"Не хабар деб ишқ ярасидан?"

Битди дедим, битди қоронғулик,  
Висол билан битди у азоблар.  
Бу ҳузурли, шалолий ойдинлик,  
Янги, нурли чоғни сен билан бошлар.

Баҳор мавсуми бу яшил мовутлар,  
Эркалиқ қиласарди шамоллар...  
Келинлик либоси оппоқ булутлар,  
Ёнида кезарди оппоқхаёллар...

Ниҳоят баҳтиёрлик бошимизни,  
Бир ёстиққа қўйганимизда...  
Ишқнинг ҳаётга берган тотини,  
Ўша дамлар туйганимизда...

...Бир умр яшадик бехабар, кейин,  
Куннинг бехудали дағдағасидан...  
Кўк ҳануз мовий, мовий кулимсиради,  
Яшил баргларнингорасидан!...

## **МУЖДА**

Қушлар хабар берди, менга қушлар,  
Келажакда нимадир бўлади.  
Биз истаган каби чиқар қуёш ҳам,  
Инсон юзи самимий кулади...

Ўшандан сўнг денгиз қирғофида,  
Бўри ини, кўзи ўтлоғида,  
Дунё жонли, жилвали чоғида,  
Туш ва ўнг ҳам баробар бўлади...

## ЎРХОН ВЕЛИ ҚОНИҚ (1914-1950)

Истанбулда туғилган. Истанбул университети Адабиёт факультети, Фалсафа бўлимида ўқиган. Ахборот-алоқа идорасида (РТТ), бир муддат Миллий Таълим Вазирлигининг таржима бюросида ишлаган. Ўлемидан олдинроқ ўн беш қунлик "Япроқ" журналини ташкил қилган.

Шеър китоблари: "Фаріб" (Ўқтой Рифат ва Мелиҳ Жавдот билан бирга, 1941), "Воз кечолмаганим" (1945), "Достон каби" (1946), "Яңгиси" (1947), "Насриддин хўжа ҳикоялари" (1948), "Қарши" (1949). Ўлемидан сўнг бу китобларга кирмаган шеърлари билан бу китобдаги шеърлар нашр қилинган (1951,1982). Таржима шеър китоблари "Ла Фонтенинг эртаклари" (икки китоб, 1948), "Француз шеърияти антологияси" (1982).

Ўрхон Вели ташбеҳ ва истиора каби бадиий тасвир воситалари ҳақида шундай фикрда: "...ташбеҳ билан истиорадан қочган, кўрганини ҳамма қўллаётган калималар билан тушунтирган одамни бугуннинг мунаvvари (олимлари) ғалати қабул қилишмоқда".

Ўрхон Велига кўра "Шеърни шеър қилган фақат адоси (якуни)даги хусусият бўлиб, бу маънога оиддир. Шеър барча фазилатлари якунида жам бўлган бир сўз санъатидир. Яъни, тамоман маънодан иборатдир. Маъно инсоннинг беш туйғусига эмас, ақлига хитоб қилади. Бинобарин, тўғридан-тўғри инсон руҳиятига хитоб этувчи ва бутун қиймати маъносида бўлган ҳақиқий шеър унсури борлигини ҳам унумтайлик".

Ўрхон Вели шеъриятда қўллаган туркча ўзига хослиги, табиийлиги билан ажralиб туради.

Ўрхон Велининг таржималари ҳам замонавий турк таржимашунослигининг мумтоз намуналаридир, десак, муболаға бўлмайди.

### АОРИСТ

Эй, хотираси ичимда қасам қадар буюк,  
Эй, боғчасининг хуш қунларга очиқ эшиги.  
Ҳануз рўёларимга кирган энг суюк,  
Бола пешонасидаги каби иссиқ бўса ҳадиги.

Эй, севги шохимда илк чечак очган ғунчам,  
Қоним оқишини енгиллатган томир...  
Гул ранги нурлари, савдо тўла оқшом,  
Ичимда янги бир шафақдай қолур...

Эй, тахта тўсикдан ошиб ўтган гул  
Ва ҳаволари сасимизга тўла баҳор ...  
Ўйнаганимиз сувлар, юргурганимиз йўл,  
Қоғоз бир кемаю, қувонч юклари бор...

Эшитиб қарши минорадан хуфтонга чорлов,  
Ётоғимга иссиқлигин келтирган рўё...  
Денгизларда яшаганим - куйдирмас олов,  
Ва қирғоқ энг катта беғубор дунё ...

Оҳ, кўп нарса берган ўрик дарахти,  
Илк йўлчиликда бошланган ҳасрат...  
Қўнғироқли файтун тақсан от шахти ...

Кичик рўмолчамда юмалаган дард ...

## АБОБИЛ

Сақлаб ичига саслар, учган бу оқшомдан,  
Хофизамни денгиз қирғоғига тортган йўл...  
Ойдинлик, рўёлар изига тушган конгул<sup>12</sup>,  
Мовий денгизда сузар каби ёнган шамдон...

Суратлар устида зулматнинг кўрқинчи  
Ва бирдан қалбларга урилган хотира.  
Мени чексиз саодатга тортиб ботирар,  
Кичик бармоқларингда рўёлар илинжи...

Айрилмоқда кўзларимдан йилларча кечалар  
Ва ёлғиз қолмоқда ёзга ром соҳил...  
Учишади кўк юзида бир гала абобил;  
Севгим ва ҳасратим абадий қолар...

Очиқ пардалардан сасларнинг тўкилиши;  
Бир сардоба янглиғ руҳнинг чўкиши...  
Энг яқин севгининг сезилмаган ўпичи...  
Яшамоқдан гўзал бўлган унинг қулиши...

Илиқ сояларда ухлатиб ўйларинг,  
Оқ этакларинг билан менга кўринганинг ...  
Ва нафасингни яшил тонгларга илинганинг,  
Менинг ёз тунидаги иссиқ ўйларим...

Рангли фонулсларнинг тагига тушган севинчи,  
Елкаларингда ой нуридан жамалак.  
Ҳасратни қуволмай фитратим ҳалак,  
Кичик бармоқларингда эса, рўёларинг илинжи...

## КИТОБАИ САНГИ МОЗОР

I  
Хеч нарсадан азоб кўрмади дунёда,  
Носирдан кўргани қадар.  
Ҳатто хор, чиркин яратилганидан ҳам  
Бу қадар қайғули эмасди.  
Туфлиси оёғин қисмаганди,  
Эсламасди аммо Аллоҳни.  
Ўзини гуноҳкор ҳисобламасди,  
Ёзиқ бўлди Сулаймон афандига ...

<sup>12</sup> қайиқ тури

II

Масала у қадар шов-шув эмасди,  
На бошқалар, на ўзи учун;  
Бир оқшом ухлади,  
Уйғона олмади.  
Олиб кетдилар,  
Ювилди, намози ўқилди, күмилди.  
Эшитсалар ўлганин оладиганлар,  
Ҳаққини ҳалол қиласылар албатта.  
Оладиганига келганды...  
Зотан, оладигани йўқ эди раҳматлининг...

III

Тўғангани омборга қўйдилар,  
Савобини бошқасига бердилар.  
Ортиқ на тўрвасида нон бўлаги,  
На ёстиғида дудоқларининг изи;  
Шундай бир шамол каби  
Ўзи кетди,  
Ҳатто исми ҳам ёдгор қолмади.  
Ёлғиз шу байт қолди,  
Қаҳва ўчоғида қўл ёзуви билан:  
"Улим Аллоҳнинг амри,  
айрилиқ бўлмаса эди"...

## ТОНГГА ҚАДАР

Шу шоирлар маъшуқалардан баттар,  
Нимадир бу одамлардан чеккан азобим...  
Шундай бўладими тонгга қадар,  
Бир мисра деб учса ёноғим...

Тингла, тингла, эшитасанми,  
Қўшиғини том мўрисининг.  
Ёхуд буғдой ташиганини,  
Чумолининг уяларига.

Кутмасам на бўлар қуёш туғишин,  
Қўлланган қофияларни қўллаш учун.  
Тонгда келган қофоз олувларга,  
Букланган қофозни йўллаш учун.

Шайтон деяптики: "Оч деразангни,  
Бақир, бақир, бақир,  
Тонгга қадар...".

## ГЎЗАЛ ҲАВОЛАР

Мени бу гўзал ҳаволар маҳв этди,  
Шундай ҳаволарда истеъфо қилдим,  
Вақфдаги. маъмуриятимдан.  
Тамакига ҳам шу ҳавода ўргандим,  
Шундай ҳавода ошиқ бўлдим;  
Уйга нон ва туз олиб келишни,  
Шундай ҳаволарда унутдим.  
Шеър ёзиш хасталигим,  
Доим шундай ҳаволарда нуқс этди,  
Мени бу гўзал ҳаволар маҳв этди...

## **АНГЛАТОЛМАЯПМАН**

Йиғласам, сасимни англоласизми,  
Мисраларимда.  
Учрата оласизми кўз ёшларимни  
Қўлингиз билан?  
Билмасдим қўшиқларнинг бу қадар гўзал,  
Калималарнинг эса тансиқлигини.  
Бу дардга чалинмай туриб.  
Ҳаммасини айтиш мумкин бўлган  
Бир ер борлиги билан...  
Хийла яқинлашибман, деяпман,  
Аммо, англатолмаяпман...

## **ПОЕЗД ОВОЗИ**

Фарибман;  
На бир кўнгил овутар гўзал бор бу шаҳарда,  
На бир таниш чехра.  
Бир поезд овозин эшитишга ташна,  
Икки кўзим,  
Икки чашма...

## **ИСТАНБУЛНИ ТИНГЛАЯПМАН**

Истанбулни тингляяпман, кўзларим юмилган,  
Енгилгина шамол эсмоқда.  
Секин, секин солланмоқда,  
Япроқлар дараҳтларда,  
Узоқ, жуда узоқларда  
Мешкопчиларнинг саслари шамолга илинган...  
Истанбулни тингляяпман кўзларим юмилган.

Истанбулни тингляяпман кўзларим юмилган,

Гала-гала қушлар учади.  
Юксакларда чуғур-чуғур овозлари  
Тўрлар тортиларкан қирғоққа,  
Бир аёл ўтирас оёғи сувда, хаёлга кўмилган  
Истанбулни тингляяпман кўзларим юмилган...

Истанбулни тингляяпман кўзларим юмилган,  
Салқин, салқин ёпиқ бозорлар.  
Жонли, жонли Маҳмуд пошо...  
Кабутар тўла ҳовлилар...  
Болғасаслари келар портлардан.  
Гўзалим баҳор шамолида турад, юзлари кулган,

Истанбулни тингляяпман кўзларим юмилган...  
Истанбулни тингляяпман кўзларим юмилган,  
Бошимда эски замонлар сархушликлари,  
Эски қайиқлари билан бир қирғоқ.  
Бўронларининг шовқини, дengиз тинчлиги брилган,

Истанбулни тингляяпман кўзларим юмилган...  
Истанбулни тингляяпман кўзларим юмилган,  
Бир гўзал ўтмоқда тош йўлдан,  
Куфр гаплар, қўшиқ, гап отишлар...  
Бир нарса тушар қўлидан,  
Сочилган гуллари ортидан термулган...  
Истанбулни тингляяпман кўзларим юмилган...  
Истанбулни тингляяпман кўзларим юмилган,  
Бир қуш потирлайди этакларида;  
Пешонаси совуқми, иссиқми биламан;  
Дудоқлари хўлми, қуруқми биламан;  
Тўлин ой чиқмоқда кунгабоқар ортидан,  
Қалбимнинг уришини англағандай англаяпман,  
Истанбулни тингляяпман!...

("Қарши" китобидан)

## БУРГА ШЕЪРИ

Бу не ажойиб билмача<sup>13</sup>,  
На кундуз битар, на кеча.  
Кимга айтамиз дардимиз,  
На ҳаким англар, на хўжа.

У кимдир ишинда, кучинда,  
У кимдир саси йўқ ичинда?  
Оғиз бор, қулоқ бор, бурун бор.  
Аммо бари айри бичимда.

<sup>13</sup> топишмоқ

У кимдир пайғамбар деб ёнар?  
У кимдир соат каби айланар?  
У кимдир котиб ёзувин ёзса?  
У кимдир кўчаларда тиланар?

У кимдир қамчи тақар белига?  
У кимдир шўнғир дунё елига?  
Аёл ҳисобида тунлари,  
Кундузлари ота қўлида?

Бу низом шундай кетарми?  
Бургалар филни ютарми?  
Етти нуфузли ётар жойда,  
Уч бетайин ётса етарми?

Қоришиқ ишлар бу вассалом,  
Телбаликни ёзади қалам.  
Ёзганингни тонгда ўқисанг,  
Ҳеч қийматга арзимас калом...

## ЙЎЛЧИЛИК

Не сир бор бу йўлчиликда,  
Ҳар сафар йиғлатар мени,  
Менки ёлғизман бу дунёда!  
Йўлга чиқаман тонгги қизиллиқда...

Узун кўприқдан қир бўйлаб,  
Яйловнинг отлари дупур, дупур...  
Ҳайдовчим ўн тўрт ёшида,  
Юзимни ёш билан қўяман сийлаб...

Кўнглим шод бўлиши керак-ку ахир,  
Қаерда мен излаган шодлик.  
Айтинглар не сир бор йўлчиликда,  
Кўзимдан не учун ёш оқаётир?...

("Воз кечмаганман" китобидан)

## ФОЗИЛ ҲУСНИ ДОҒЛАРЖА (1914 йилда туғилган)

1914 йилда Истанбулда туғилган. Кулели Ҳарбий лицейини (1933) ва ҳарбий мактабни (1935) битирган. Шундан сўнг Матбуот ва Туризм Баш Башқармасида, Мехнат Вазирлиги Иш Назоратчиси бўлиб Истанбулда ишлаган (1952-60). Нафақага чиққандан кейин Истанбулда "Китоб" номли нашриёт ташкил қилган (1959 декабр), "Туркча" номли ойнома чиқарган (43 сон, 1960 йил, январ-1964 йил, июл). 1970 йилдан эътиборан нашриётни ёпиб, қолган умрини шеър ёзишга бағишилаган.

Илк шеъри "Истанбул" газетасида чиққан. ("Секинлашган умр", 1933). 1933 йилдан эътиборан шеърларини кўпроқ "Истанбул", "Борлик", "Маданият хафтаси", "Юксал", "Оила", "Инқилобчи ёшлар", "Етти тепа", "Турк тили", "Янгилик", "Ватан", "Маданият дунёси", "Атач", "Чафри", "Турк юрти", "Даврим", "Йўл", "Адабиёт дунёси", "Елкан", "Папирос" каби журналларда чиқартирган. Биринчи шеърий китоби Ҳарбий мактабни битирган куни (1935 йил, 30 август) нашрдан чиққан. Иккинчи ва энг кўп рағбатга сазовор бўлган "Бола ва Аллоҳ" (1940) номли китобидан сўнг номи машхур бўлди. Шакл ва мазмун жиҳатидан мутаносиб бу асари Жумҳурият даври шеъриятининг энг яхши намуналаридан бири ҳисобланади.

Ижодининг сўнгги йилларида асосан болаларга аталган шеърлар ёзди. "Чакрин достони" номли китоби билан 1946 йилда ЖХП (Жумҳурият Халқ Партияси) шеър мусобақасида учинчи даражали совринни, 1956, 1966 йилларда ҳам турли мукофотларни қўлга киритди. 1967 йили Америкадаги International Poetry Forum томонидан "Ҳаётдаги энг яхши турк шоири" дея эътироф этилди.

Асарлари: "Ҳавога чизилган дунё" (1935), "Бола ва Аллоҳ" (1940), "Яна" (1943), "Тош даври" (1945), "Она тупроқ" (1950), "Фарб даври" (1958), "Мавлонода бўлиш" (1958), "Жазоир қўшиқлари" (французча, инглизча, арабча таржималари билан), "Чаноққалъя достони" (1965), "Тўрт қанотли қуш" (шеърларидан намуналар), "Тилдаги компьютер" (1992), "Маҳзун қўзи йиғиси" (1972), "Ер юзи болалари" (1974), "Ёзувларни севган айик" (1980), "Жин ўғлон" (Насриддин Афандининг болалиги 1981), "Хинд ва ҳиндча" (1981), "Қуёш чиқаргувчи" (1981), "Қочган айиклар ўлкасида" кабилар.

### ОФИР ХАСТА

Уфлама менга онажоним, қўрқяпман,  
Дуо қилиб, қилиб кечалари.  
Хастаман, аммо шунчалар гўзал,  
Сузиб борар вужудимнинг бир ери.

Нега бундай ёпдилар устимни,  
Мунтазамки, менга маҳзунлик берар.  
Оқааркан, узоқ шамоллар ичидা,  
Ўйинчоқлар каби бир шаҳар...

Кўзларим юмиқ, юзим-ла кўряпман,  
Йиғляйсан, эслаяпман нурни.  
Баробар туймоқдамиз секин, танҳо,  
Девордаги расмлар-ла тақдирни...

Онажоним, каттаряпман мен энди,

Каттармоқда кўлда қамиш ҳам.  
Укам тезроқ сув берсин айтинг,  
Ташна қолди таёқ отгинам...

## **БОЛА, КЕЧА, ОЁҚ КИЙИМЛАР**

Кеча бўлганда ҳаммадан яширин,  
Бир ишимиз бор эди ажойибгина.  
Оёқ кийимларни тизардик укам билан,  
Ўғрилар каби зинадан энибгина.

Отамники бир томон, меники бир томон,  
Биз эса - икки болакай...  
Туннинг, вақтнинг зулматига қарши,  
Кураш бошлагандик ўйламай...

## **ВУЖУД ЯРАТИШ**

Тўплансин бошимга тиланчилар,  
Бир бўлак нон лаззатин баҳслашайлик.  
Мавсум ва вақтнинг орасида.  
Кўрлар каби қоронғудан қўрқмай...  
Шу қадар танҳо, ҳамма хотирасида...

Шукр оташлари ёнар қарши тоғлардан,  
Тўйган чўпонларнинг одати.  
Қушларнинг қўнгани (эса) ёлғизлик...  
Йўқолибди эсланадиган саодати...  
Қалбимиз-чи янада синик...

Сиҳат тўла ҳайвонлар хавфсизлик берар,  
Дарвешу, Абдол хурматсиз, очкўзлар сарбаст.  
Хулёларимизда шаҳзодалар ухларкан...  
Хижолат бўлмасдан баҳс этсин ҳар ким,  
Вужудини яратиш завқидан...

## **ЯРИМ ОЙДИНЛИКЛАРКИ СОҲИБСИЗ...**

Яrim ойдинликларки соҳибсиз,  
Ва мовий қушлар тонгда тин олмасдан...  
Болам, қўшиқлар айтгин кўчаларда,  
Овозинг гўзаллиги йўқолмасдан.

Эшиклар очилар сўнгига қадар,  
Қушлар учар хотиралар ичидан.  
Болам кўп-кўп эртак эшитгин,

Ҳануз ишонганинг учун ҳам...

Кемаларнинг энг узоқ қароқчилари –  
Томоша қил юлдузлар кўринишини...  
Болам, сўра нега оқшом бўляпти...  
Айболмас ҳеч кимса сени...

Баъзи соҳилларнинг салқинлиги,  
Ва унумаган бир даста гул...  
Болам, сенга ёлворяпман,  
Қўлинг кирланмасдан дуо қил!..

### ЭМИЗАР ЭДИ...

Эмизар эди, қоронғулиқда, танҳоликда,  
Болаларини жасур ҳайвон.  
Севги, лаззат, орзу билан порларди,  
У орамизда(ги) қолган...

Бергани давом этади ўз-ўзидан...  
Тошлар қадар қийматли, тупроқ қадар роҳат,  
Юлдузларнинг ва ўрмоннинг остида хабарсиз,  
Ўсаётган наботот...  
Эмизар эди бир саодат ойдинлигига,  
Сувлар вақтни, дараҳт қушларни...  
Жон деб жимган тоғлар устидан,  
Осмон эса... Ерни...

### ДУНЁ ИЧРА

Дунё ичра туркимизни<sup>14</sup> айт,  
Оч ўзингга оппоқ бир елкан...  
Нега ҳамма гўзал бўлолмас,  
Яшамоқ бунча гўзал экан...

Инсон шохлару булутлар-ла,  
Ойдин мовийлиқдан ўтар экан.  
Қандай ўла олади ахир,  
Яшамоқ шунча гўзал экан...

### ЎТГАН НАРСА

Катта ялдизлар<sup>15</sup> остида майдадунёмиц,  
У кичкинагина бир "хона".

<sup>14</sup> Қўшиғимизни

<sup>15</sup> Олтин сувли безаклар

Ифор сочар қир гуллари тонг оқармасдан,  
Онсиз, уйқусиз,  
Ифор сочаверар райҳона...

Қадимда ҳам шундай маст бўлган ҳамма,  
Бир қараашда ҳамма "мастона".  
Хаёл келар нозли ёр томондан,  
Ишқдан маст қушлар сузилар,  
Қушлар ўзгаради шоҳона...

Аслида-чи, сезмайди кўнгил,  
Гўё доим шундай девона.  
Ичимиздану, ташимиздан,  
Ўтиб борар вакт,  
Золим, золимона!..

## **СУВЛАР БИЗДАН АҚЛЛИ**

Сувлар биздан аклли, олдин кўрар оқшомни,  
Тушар ҳаводан олдин зулмат сари.  
Буюк илон каби ўртадан сузар,  
Тоқقا қочар экан, тоғ ҳайвонлари..

Сувлар биздан аклли, мамнун бўлади,  
Фақат дарахтлардан.  
Бошқа инсонлардан эмас,  
Инсонларни олмайди тан...

Сувлар биздан ақллидир, ухламайди ҳеч,  
Очар мовийликка йирик кўзларини  
Ва кутарлар ўлим сири ичидা,  
Ўз ҳаётларининг маҳшарларини...

## **ПРОКУРОР**

Прокурор надир ўйладингми,  
Тоғларни тождор қилган?  
Улар сукут билмас кеча кундуз,  
Улар ҳайқиради юксакда.  
Ўтаб тоғлардан ялангоёқ,  
Бир ишсиз турса эшигингда,  
Ичингни эзиб... ёқиб...

Прокурор надир ўйладингми?  
Пичокни учли қилган, (лекин)  
Бир эски интиқом олинмаган -  
Кимларнингдир пешона тери,

Кимлар бошига тож бўлмаган...

Прокурор надир ўйладингми  
Ёзувларни сучли<sup>16</sup> қилгани?  
Ақлу юрак билан буюган,  
Кундузлар кечага қарши,  
Аммо недир тошмоқ узрадир,  
Мени сендан кучли қилгани!.

## ЖОҲИД СИДҚИ МАРСИЯСИ

Жоҳид Сидқи, мен сени қандай хотирлай,  
Минг бир он, минг бир юлдуз-ла яшаркан.  
Билсин янги авлод, ёлғизлик бир шиша майдир...  
Оқшом олди ҳароратсиз зулмат...  
Кимдир секин-секин ичаркан, Жоҳиддир.

Севса йўлдан ўтганни, булатни, қушларни,  
Аёл ва эркаклар гўзал ўпишаркан...  
Кўк юзи, ер юзи мовийлик-ла бир.  
Некбинлиқдир, аммо шошмангиз,  
Кимнинг жони сиқиларкан, Жоҳиддир.

У ер-бақирсанг товушинг чиқмас ташқари,  
У ер-жиловингни девлар тишлаб ушларкан.  
Деворлар тош, эшиклар темир,  
Ўргангандар нарсаси эди яшамоқ...  
Ким ўлимдан қўрқиб, унга қочаркан, Жоҳиддир.

Ким ўлимдан қўрқиб, уни қучаркан, Жоҳиддир...

<sup>16</sup> айбдор

## АТИЛЛА ИЛҲАН МОВИЙ (1925-2005)

Шоир ва ёзувчи Атилла Илҳан 1925 йил 15 июнда Измир вилоятининг Менемен қасабасида туғилган.

"Хақиқат", "Демократ-Измир" газеталарида мұхаррирлик қилған ва бosh мақолалар ёзиган. 1973 йилда Анқарага жойлашгач, "Билги" нашриётида маслаҳатчи бўлиб фаолият кўрсатган. 1980 йилдан кейин Истанбулга келиб, "Санъат воқеаси" журналида масъул мұхаррирлик қилған.

"Жаббор ўғли Мұхаммад" шеъри 1946 йилги шеър мусобақасида 2-ўринни эгаллагандан сўнг шоир номи қўпчиликка маълум бўлди. "Маҳбуснинг кундалига" китоби эса 1974 йилда "Юнус Нодий" мукофотига лойик деб топилди. Шеър ва танкидий мақолалари "Кун", "Ёш насл", "Қдцам-бақадам", "Фикрлар", "Борлик", "Оила", "Йигирманчи аср", "Танланган ҳикоялар", "Етти тепа", "Дўст", "Елкан", "Жумҳурият", "Миллат санъат воқеаси" каби журнал ва газеталарда эълон қилинди.

Атилла Илҳан бир неча фильмлар сценарийси музаллифи ҳамdir: "Саккиз устунга шиор" (1982), "Бургутлар баланд учар" (1984), "Эртага энди бугундир" (1986), "Юлдузлар кечаси каттадир" (1992), "Телефлаш" (1993).

Шеър тўпламлари: "Деюн" (1948), "Туманлар хиёбони" (1954), "Ёмғир қочқини" (1955), "Мен сенга мажбурман" (1960), "Бало чечаги" (1962), "Таъқиқланган севги" (1968), "Маҳбуснинг кундалиги" (1973), "Шундай бир севга" (1977), "Кўлда бор ҳузун" (1982), "Қўрқувнинг қироллиги" (1987), "Айрилиқ ишққа тегишли" (Барча шеърлари, 2001).

Атилла Илҳан бир неча романлар музаллифи ҳам: "Кўчадаги одам" (1953), "Занжирлар бирбирига ўхшамас" (1957), "Бўрилар дастурхони" (2 жилд, 1963, 1964), "Пичоқнинг учи" (1973), "Сиртлоннинг ўлиши" (1974), "Ярага туз босмоқ", "Ёмон ҳолда Леман" (1980), "Доруссаодатдавой" (1984), "4 қоронғулиқда биз" (1987) кабилар.

### ШОҲОНА САРСАРИ

Йўлимдан чекин, болам,  
Боғласалар ҳам турсадмам.  
Темир асо, темир чориқ дедим,  
Найлайн,  
Йўлчилик дедим.  
Дарахтларда тунади яна оқшом  
Қарғалар билан.  
Шамол ўзини ердан-ерга урмоқда,  
Синик, тўкилган юлдузлар  
Кўринади узоқдан.

Устунсиз мавжлар югуртирад мени.  
Онамдан йўлчи бўлиб туғилганман,  
Етти тоғнинг йўллари қалбимдан ўтган.  
Салқин, салқин мисралар келар ичимдан,  
Дудоқларимда ёмғир томчилари...  
Йўллар мени олиб кетади.  
Онамдан йўлчи бўлиб туғилганман (ахир).  
Дарёлар-ла бирлиқда денгизларга қовушдим,  
Бу катта дунёни оқшом дедим,

Йиғлагим келди...

Йўлга бир тушилдими, умр бўйи кетилур,  
Нон, шароб, турналар ортидан.  
Буюк шаҳарлар, буюк ишқ тарқ этилур.  
Мен болалар каби севдим,  
Девлар каби изтироб чекдим.  
Томирларимда дунёнинг шамоллари.  
Ҳарбийлик ва аччиқ ёлғизлиқка қарамайман.  
Мен онамдан (ахир) йўлчи бўлиб туғилдим,  
Найлайнин,  
Ғурбат дедим,  
Ватан дедим,  
Хуррият дедим...

### «ПИА»

Қанийди кимлигини билсам ПИАнинг,  
Қўлларини бир тутиб ўлсан.  
Бунча узоқлардан ўтмаса,  
Мен бир шаҳарга келган вақт  
У бошқа шаҳарга кетмаса.  
Отелларни бўм-бўш кўрмасам,  
Ичларини музли бир қадаҳ каби.  
Буғланиб, буғланиб турмасам,  
На бўлғай, тонггача қирғоқда.

Болалар ПИАни кўрсалар,  
Менга хабар берсалар, билсан.  
Ичимни бус-бутун юлдуз босар,  
Бир ханжар-ла кўксимни тилсан.

Мен бир шаҳарга келган чоғ,  
У бошқа шаҳарга кетмаса.  
Сингапур йўлида демасалар,  
Хоргинман айтмаса, айтмаса...  
Бунинг устига пулсиз, ҳужжатсизман.  
На бўлғай тонгга қадар қирғоқца,  
Овозини эшитсан ПИАнинг.  
Йўқсиллик ёмғири остида,  
Боладай кўзлари совқотган, кўрқсан, сўлғин...  
Қўлларини тута олсан ПИАнинг (сўнг),  
Ўлсан, армонсиз ўлардим...

### ТУМАНЛАР ХИЁБОНИ

I

Юзини яширса қуёш тутиларди,  
Ой ҳам октябр эди, жунжикардик.  
Дараҳтлардан бири күчада үларди,  
Шаҳарнинг ойналари қайғусиз куларди,  
Ҳар кўча бошида ўпишар эдик...

Туманлар хиёбонида оқшом чўкканди,  
Елкаларимизга ундан олдинроқ.  
Кесилган қўл каби ёлғиз эдик,  
Тоғларда оташлар ёнмасди...  
Денгиз фонуслари сўнганди,  
Бир-биримизнинг кўзимизни қидирардик.

Туманлар хиёбонида сени йўқотдим,  
Кўча чироқлари нур сочар эди...  
Юқорида булутлар юрар эди.  
Тарқ этилган бола каби эдим,  
Тегинсангиз йиғлардим,  
Янги эшик томонда бир поезд бор эди.

Туманлар хиёбонида ўлгайман,  
Чап биқинимдан урадилар,  
Кўча бекатида йиқиламан,  
Кўзойнагим синади...  
Сен рўё кўрасан, бақириб уйгонасан,  
Тонгда эшигинг урадилар,  
Келтирадилар,  
Мени кўриб тонг қотасан,  
Йиғлай олмайсан, йиғлай олмайсан...

Туманлар хиёбонидан ўтдим, шалаббо эди.  
Ивиган кўчалар ялтирас,  
Туриб, туриб кўзларим толарди,  
Бир финжон шаробда йўқолар эдим.  
Тунги посбонлардан соат сўрардим, лекин  
Уйга кетишга кўрқардим  
Туманлар бўғзимга ўралган эди...

## II

Бир кема мени Африкага олиб кетади,  
Исмини билмайман, нима бўпти...  
Касабланкада бир кун қоламан,  
Туманлар хиёбонини эсга оламан...  
Қизил малак қўшиғидан бир сатр,  
Бўрондан бир, ёмғирдан икки,  
Сенинг киприкларингдан бир сатр...  
Қоп-қора бир мисрани эсга оламан...

Сени эслатганинг бошини ёраман,  
Бандаргоҳ кемалари увиллаб турганда...

Туманлар хиёбони бир тун ҳайқирганди,  
Дараҳтлари ётар эди, йўқсил эди.  
Бутун япроқлари сарғайған,  
Куз йиғлар эди улар ҳолига.  
Йиғлаган балки-да Истанбул эди,  
Ичимда қалампир каби бир қаҳр -  
Бутун шеърларимни ёқардим,  
Ёлғизлик тинимсиз ҳужум қиласарди...

Агар туманлар хиёбони бўлмаса,  
Агар бу шаҳарда шу хиёбон бўлмаса,  
Тонгти аzon чоғи ёмғир ёғмаса,  
Шубҳасиз бир телбалик қиласардим,  
Ҳеч кимса мени англай олмасди,  
Ўн беш йилга ҳукм бўлардим,  
Тўртинчи йилн қочардим,  
Бадки қочаётib отилар эдим.

Туманлар хиёбонидан ўтмаган куним,  
У ўксик, мен ўксик...  
Ёмғирлар остида ёлғизман,  
Оғзим, қўлим, юзим ивиыйди.  
Поезд сигналлари бир-бир чалиниб,  
Ақлимни, фикримни бўлади.  
Оқсаройда нурлар порлайди,  
Туманлар хиёбони оёққа туради.  
(Мен бу хиёбонда сен ва шулар ҳақида  
Барчаси ҳақида тушунксиз ўйладим)  
Ортиқ қалбимни овутолмаяпман.  
(Унинг елкалари учмоқда...).

## ЁМҒИР ҚОЧОФИ

Қўлимдан тут, йўқса йиқиламан,  
Йўқса бир-бир юлдузлар тушади.  
Агар шоир бўлсан-у, мени танисанг,  
Ёмғирдан қўрқишимни билсанг,  
Кўзларим хотирингга келса,  
Қўлимдан тут, йўқса йиқиламан,  
Йўқса, ёмғир олиб кетади мени...

Кечалари бирон шовқин эшитсанг,  
Билганки ёмгардан безовта қочяпман.  
Сарой бурни кечувидан ўтаяпман,  
Сентябр окгиоми бўлса, ивиган бўлсан,

Мени кўриб, балки англай олмайсан...  
Ичингда яширин, мунгли йиғлайсан,  
Аммо тут мени, йўқса йиқиламан,  
Йўқса ёмғир олиб кетади мени,  
(Ўзим қўрқан хотира томон...).

## УЧИНЧИ ШАХС ШЕЪРИ

Кўзларинг кўзларимга қадалса,  
Фалокатим эди бу, йиғлардим,  
Мени севмаслигинг билардим.  
Бир севгилинг борлигини эшитгандим,  
Чўп каби озғин бириси эди, нимжон,  
Хосиятсиз эди фикримча.  
Қачон олдимдан чиқса,  
Үлдиришимдан қўрқардим,  
Фалокатим эди бу, йиғлардим....

Қачонки соҳилдан ўтсам,  
Портда кемалар ва яна бир кема бор эди  
Дараҳтлар қуш каби куларди,  
Бир шамол ақлимни оларди.  
(Кемада) секингина сигара ёқардинг,  
Менинг бармоқларимни ёқардинг.  
Киприкларингни эгиб боқардинг...  
Ичим титраб кетар, музларди,  
Фалокатим эди бу, йиғлардим...

Оқшомлар бир роман каби тугарди,  
Жазобил қон ичидаги ётарди.  
Портдан бир кема жилар эди,  
Сен унга минар эдинг ва ...  
Тонгга қадар қолар эдинг.  
Хосиятсиз бири эди фикримча...  
Кулиши жанозага ўхшарди.  
У сени қулларига олдими...  
Фалокатим эди бу, йиғлардим...  
Йиғлай бошлардим...

## МЕН СЕНГА МАЖБУРМАН

Мен сенга мажбурман, билмайсан,  
Исмингни мих каби ақдимда тутаман...  
Каттаргандан каттарарди кўзларинг,  
Мен сенга мажбурман, билмайсан,  
Ичимни сен билан иситаяпман.

Дарахтлар кузга ҳозирланмоқда,  
Бу шаҳар у эски Истанбулмиди?  
Қоронғуда булутлар парчаланмоқда,  
Кўча чироқлари бирдан ёнмоқда,  
Тошли кўчаларда ёмғирлар иси...  
Мен сенга мажбурман, сен йўқсан.

Севиш қай замонда разилдай қўрқинчли,  
Инсон бир оқшомда бехосдан ҳорийди.  
Танласак устара тифида яшаш йўлини,  
Қачондир қўлларимизни кесади тифи.  
Бир неча ҳаёт чиқаради яшашдан,  
Қайси эшикни урса қай замон,  
Ортида ёлғизликнинг мунгли улиши...

Шоҳ ҳам, гадо ҳам бир чолғу чалса,  
Эски замонлардан бир кун - Жума бўлса,  
Кўча бошида туриб тинч эшитсам,  
Сенга кўрилмаган бир кўк келтирсам,  
Ҳафталар қўлимда увалиб бормоқда,  
Қаерга кетсам, не қилсам, не тутсам,  
Мен сенга мажбурман, сен йўқсан.

Ёз чоги, қўллари бўёқقا бўялган бола,  
Оҳ, сени билмайди, кимсалар билмайди.  
Бир зилол сизмоқда қўзларингдан,  
Балки яшил қишлоқда самалётга чиқяпсан  
Бутунлай ивигансан...  
Балки кўрсан, безовталик ичидасан,  
Ёмон шамол эса соchlaringни ўйнайди...

Қачонки яшамоқни ўйласам,  
Бу бўрилар ичida қийинdir балки  
Айбизз, гуноҳга суқмай қўлларимизни,  
Шундай яшамоқни ўйласам...  
Жим дея исминг билан бошлайман,  
Ичимда тўлқинланар яширин денгизинг,  
Йўқ, бошқача бўлмайди (чунки)  
Мен сенга мажбурман, сен эса,  
Билмайсан, била олмайсан...

## **АЙСЕЛ, КЕТ БОШИМДАН**

Айсел, кет бошимдан, мен сенга эмасман,  
Ўлимим онийдир, сезяпман буни.  
Ҳам ёмонман, чиркинлигим ҳам бор,  
Айсел, кет бошимдан, истамайман сени...

Менинг ёмғиримда кеза олмайсан, совуқ ейсан,  
Тарқатар кечаларим сархушлигингни.  
Уйқуларимни ухласанг, қаттиқ қўрқасан,  
Ҳеч бир дақиқамни яшай олмайсан...  
Айсел, кет бошимдан, мен сенга эмасман.

Мен учун кирлатма ойдинлигингни,  
Ҳам ёмонман, чиркинлигим ҳам бор...

Хўштагимни чалсам, дарҳол йиқиласан,  
Кўзларим тезлаштирас танҳолигингни.  
Бегона шаҳарга олиб кетади поездлар,  
Ё (сен ҳам) ўлиш йўлини топасан,  
Ё қўрқув сенга бирикиб кетади...  
Қисматим сенга бол бўлиб ҳам қолар...  
Севинчим севинчингни тутолмай ҳам қолар...  
Айсел, кет бошимдан, мен сенга эмасман.

(Умидсизлигимни бўлса ҳам англасанг эди)  
Ҳам ёмонман, чиркинлигим ҳам бор...

Севган дамларимдан (балки) хафа ҳам бўларсан,  
Куз қўшиғининг увиллашини эшитмадинг-ку...  
Ичидан бир кема қалқиб кетмаган,  
Узоққа, ёлғизлик соҳилларига...  
Дунёга тескари бир йўловчиман...  
(Ичимдаги қулоқ қизиб боради)

Қоришиқли йўловчилигим қатъийлашади,  
(Сен бошқа нарсани ўйлама, аммо...)  
Айсел, кет бошимдан, мен сенга эмасман,  
Ўлимим онийдир, сезяпман буни,  
Ҳам ёмонман, чиркинлигим ҳам бор...

Айсел, кет бошимдан, мен сенга эмасман,  
Ахир мен сени...  
Айсел!!!...

## ШУНДАЙ БИР СЕВГИ

Қанча аёллар севдим, зотан йўқ эдилар,  
Ёмғир кияр эди, куз билан бирга...  
Озгина эркалаб қўйсам, гўё болалар,  
Ташлаб қўйсам, қўрқувга беландилар.  
Қанча аёллар севдим, зотан йўқ эдилар,  
Шундай бир севгини кўрмагандилар.

Йўқ, ўйламангки, мени унутади деб,

Ҳали ҳануз мен томон мактублар келарди.  
Ҳақиқат эмасди улар, бир умид эди...  
Эски қўшиқ ёки шеърдай сўйландилар,  
Қанча аёллар севдим, зотан йўқ эдилар,  
Шундай бир севгини кўрмагандилар.

Ёлғиз онларимда қўлларимдан тутдилар,  
Узоқ пичирлари ичимга ўт ёққанди.  
Гўё кўк юзида бир булут эдилар,  
Сўнг қайга кетдилар, буни ким билар,  
Қанча аёллар севдим, зотан йўқ эдилар,  
Шундай бир севгини Сиз кўрганмисиз?

## ОЁҚ УСТИ ЎЗИНИ ЎЛДИРИШ

Кўркувни тарқ этган қиз бола,  
Ўлимин танийди шу лаҳза.  
Бу қасднинг сабаби бир фожеа,  
Холбуки у ёш эди, бундайлар оз эди...  
Вужуди бокира,  
Қўлин ушламаган ҳали бир кимса...

Кўркувни тарқ этган қиз бола,  
Таъқиқлар тўридан ўтолмадими?  
Ва ёки эврилмоқ истади  
Ўзга бир қизга.  
Ва ё ўз-ўзига етолмадими,  
Йўқса йўқмиди юрақдан севгани?...

Кўркувни тарқ этган қиз бола,  
Шу лаҳза зулматга шўнғииди.  
Ҳурликка эришар вужуди...  
Ўртада қон иси анқийди...  
Бу қандай келмоғ-у,  
Бу қандай кетмоқ?...

## ЖАМОЛ СУРАЙЁ (1931-1990)

Шоир ва ёзувчи Жамол Сурайё 1931 йилда Эрзинжонда туғилган. 1990 йилда Истанбулда вафот этган. Расмий ҳужжатлардаги исм-шарифи Жалолиддин Сабар, бироқ асарларида бу исм-шарифини ишлатмаган. Ҳайдар пошо лицейи (1950), Анқара университети Молия факультетини битирган (1954). Молия Вазирлигига назоратчи бўлиб ишлаган. 1982 йилда шу вазифасидан нафақага чиққан. Бу орада 1975-1976 йиллари Молия Тадқиқот Ташкилоти аъзоси, Истанбулда Зарбхона мудири, 1978 йилда Маданият Вазирлиги нашрлари маслаҳат кенгashi аъзоси сифатида фаолият кўрсатган. Нафақага чиққач, нашриётларда маслаҳатчи ва энциклопедияларда муҳаррир бўлиб ишлади, таржимонлик қилди.

Иккинчи Янги оқим турк шеъриятининг пешқадам шоирларидан бўлган Жамол Сурайёниг "Қўшиғи оқ" номли илк шеъри "Мулкия" журналида босилиб чиққан (1953 йил, январ). Кейинги шеърлари, танқидий мақолалари "Етти тепа", "Шоирлар япроғи", "Эврим", "Якшанба почтаси", "Папирус", "Янги журнал", "Туркия ёзувлари" (бу журналда қисқа муддат бош муҳаррирлик қилган), "Хуррият намойиши", "2000 йилга қараб" журналларида эълон қилинган.

Биринчи китоби - "Увержинка" (1958) Еттитепа шеър мусобақаси армуғонига, иккинчи китоби "Қўчманчилик" (1965) Турк Тили Ташкилоти 1966 йилги шеър мукофотига, 1988 йилда эса "Куз якуни" ва "Иссик наҳал" номли китоблари Баҳчат Нажотигул шеър мукофотига сазовор бўлган. Баъзи китоблари ўлимидан сўнг нашр эттирилган.

Асарлари: "Увержинка" (1958), "Қўчманчи" (1965), "Мени ўп..." (1973), "Савдо (ишқ) сўзлари" (1984), "Куз охири" (1988), "Иссик наҳал" (1988) кабилар.

### ГУЛ

Гулнинг нақ ўртасида йиғляяпман,  
Ҳар оқшом кўча ўртасида ўлгунча.  
Олдимни-ю ортимни билмаяпман,  
Йироқлашиб борганини қоронғулиқда,  
Мени оёқда тутган кўзларингнинг...

Қўлларингни олиб, тонгга қадар силайман,  
Қўлларинг оппоқ, оппоқэди.  
Бу оипоқ қўлларга қўрқиб қарайман,  
Гўё поездлар бекатида адашган,  
Йўлинни йўқотган одам кабиман.

Гулни олиб юзимга сурман,  
Билмам, қандай кўчага тушибди.  
Қулимний, қанотимни синдираман.  
Бяр ҳалқа қон, бир қиёмат чолғу...  
Ва сурнай чалаётган илон ўйнатувчи...

## СИГАРАНИ ДЕНГИЗГА ОТДИМ

Ҳозир бир кабутарнинг парвозини бўлишяпмиз,  
Ўша машҳур қўкнинг мовийлигидаги...  
Узун сочли ва кўкракдор хотинлари билан,  
Бир Оқ денгиз чиқиши мумкин ичидан,  
Олиб ёрсак агар юрагини шу кабутарнинг.

Ҳозир сенинг юрагинг кабутарницидир,  
Қўлларингни тутиб, ёнингда юриладиган чоғдасаи...  
Қайси бир қўлингдан тутай гўзалим, қайси?  
Бир қўлингда бокиралик ва софлигинг турар,  
Бир қўлингда порлаган қуёш нури...  
Яна бир қўлингда эса минг фарсаҳ ҳурлик...  
Ишлаётган одамлар учун эса,  
Нон кесасан яна бир қўлинг билан...

Биз аввалдан шундай эдик сен билан,  
Бир булат ўтса, уни кузатардик,  
Бир минора гўзал бўлса, уни,  
(Шу ердаги) йўқсил одамни...

Қачонки ҳурликнинг, ярашнинг, севгининг,  
Ишқнинг денгизига  
Бир сигара отсак,  
Тонгга қадар ёниб турди...

## СИЗНИНГ ҲЕЧ ОТАНГИЗ ЎЛДИМИ?

Сизнинг ҳеч отангиз үлдими?  
Меники бир марта үлди, кўр бўлдим.  
Ювдилар, олиб кетдилар,  
Отамдан кутмаган эдим буни, кўр бўлдим.

Сиз ҳеч ҳаммомга бордингизми?  
Мен бордим, лампанинг бири сўнди,  
Кўзимнинг бири сўнди, кўр бўлдим.  
Тепада бир парча само бор эди,  
Шунчалар мовий эди, кўр бўлдим.

Тошларга келсам, ҳаммом тошларига,  
Тошлар ялтираган ойна каби эди...  
Тошларда юзимнинг ярмини кўрдим,  
Бир нарсага ўхшарди, ёмон бир нарсага,  
Юзимдан кутмасдим буни, кўр бўлдим.  
Сиз ҳеч юзингиз совун ҳолда йиғладингизми?...

## АРСЛОН ҲАЙКАЛЛАРИ

Узанган қўлларни севаман, қанча киши,  
Силайверса, силайверса, арслонларни.  
Парклардаги ёқимтой бу арслон ҳайкаллари,  
Бирданига қаршилашган, бу эса гўзал эди.  
Булар ишқимизнинг арслон ҳайкаллари,  
Шоҳона ўзгарган ҳузун ҳайкаллари.  
Мен бутун ҳузунларни бошдан кечирдим,  
Бир -бир синадим бутун сўзларни.

Янги сўзлар топдим сени кўрмаган чоғим,  
Яна кўк юзида сўлиб кетажак шеърга.  
Қани энди бир чақир арслон ҳайкалларини,  
Тозаланган, ювилган, ғуборсиз арслон ҳайкаллари.  
Бир сенинг кўзларинг бор уларда, бошқалар йўқ,  
Ё сенинг бошингни олиб кетишининг масъулми,  
Модиглиани ўғли, модиглиани.

Оз нарса эмас ёнингда бўлиш, ўйляяпман,  
Ичимда тўлғанаётган севинч неча кишиники...  
Бир кийик ўзини қоронғуликка чизиб кетди.  
Қоронғу қоронғу-да, лекин яхши танланган.  
Вужудинг бўйлаб кезаётган бу арслон ҳайкаллари,  
Уларнинг ёллари юксак севгимнинг ёллари...  
Ўйғоқ кечамизни тўлдирмоқда арслон ҳайкадлари...

Энг сўнгги кунда келдинг, тозаладинг ўрталикини,  
Кўтардинг бу муқаддас ризқни тушган жойидан;  
Буларнинг бари яхши, лекин бошқа ёнда,  
Юрзгим ёнмаяпти, чунки арслон ҳайкаллари,  
Ёнида эса тентакқон бир ит ётар эди.  
(Худди) адолатхоним икки кишилик кароватида,  
Бузилган буржуа ахлоқига ўрнак бўлгани каби...

## БОЛ ЗАМИН

Сен Эл қатори бир аёлсан,  
Тонгдай оппоқ, киприкли...  
Баъзи дарахтлар билан қўшни,  
Баъзи гуллар каби севикли...

Фақат шуларгина бўлса, қанийди...  
Бир инсонга соҳиб бўлибсан.  
Бир қўшиқ қилибсан, бир умид...  
Бола қадар гўзал, тиниқсан...

Сочларинг-ла баробар деразада,  
Сени излаётганимдан хабарли.  
Кемалар, денгиз эскираркан портда,  
Севгим, ёшаришинг хатарли...

## БОШҚА ИШҚ ШЕЪРИ ЁЗМАСМАН

У эди, бир боқишда танидим уни,  
Қушлар тутумига ўхшарди,  
Бола тутумига ўхшардик...  
Узатди ой, ойдин қоронғулигимга,  
Қаердан узатган бўлса, бўйини.

Дунёнинг энг гўзал аёли эди у,  
Сочларини тараса, бошдан бошга (Румели<sup>17</sup>)  
Ўтиrsa, аммо ҳеч ўтирмасдики...  
Отнинг қони оқар эди томирида,  
Кўп эсладим қандай яшаганини.

Энг кўп нимасини, дудоқларини,  
Бутун эшигнларга бахшиш.  
Ўпичларнинг турлисидан завқ билан,  
Чегарасиз денгизида чойшабнинг,  
Бир келиб, бир кетар эди дудоқлари.

Оҳ, энди менинг кўзларим,  
Бир йифига ўрганиб қолган.  
Бир аёл кўйлаги устимда,  
Куннинг мовийлиги ундан,  
Туннинг хўрози ундан...

## ҚАРС<sup>18</sup>

Шунчалар гўзалки, ўламан энди...  
Оппоқ, уйқусиз узоқликда.  
Қарс болаларнинг ҳам Қарси,  
Ўликларни ёғаётган қорда,  
Қотган кўзларимнинг қораси.

Сен, миттигинам, ёқимли,  
Нима дерлар унга бу ўрталиқда.  
Бўйига туркулар<sup>19</sup> ўрайсан,  
Гўё туркулардан сўнг,  
Хоҳласанг кўк бўғиладигандай...

<sup>17</sup> шаҳар номи

<sup>18</sup> шаҳар номи

<sup>19</sup> турк халқ қўшиқлари

Англаки, ҳар бекатда,  
Йўқ чегараси ишқнинг.  
О, буюқдан буюқ Раббим, ўтинаман,  
Ишқимиз кутсин бизни,  
Ўзимиз қурган тузоқда...

## ТҮППОНЧА

Сигара чекканларга ўт очмангиз,  
Оилали хотин-ла ароқ ичаркан...  
Розет каби кўксига тақиб жасоратини.  
Мен Митридатдан сўз очдим, сиз очмангиз.

Эски бир Усмонли подшоси каби,  
Феодализмни супурган мўйлови билан.  
Истанбул, Истанбул узокда,  
Истанбулга ўт очмангиз...

Тутайлик, адашиб ўт очдингиз,  
Шакар Аҳмад подшонинг расмларини.  
Эски арузчилар шеърларини ҳам,  
Мен жуда севаман, сиз ҳам севингиз...

## **СЕЗАИ КАРАКОЧ (1933 йилда туғилган)**

Шоир ва ёзувчи Сезаи Каракоч 1933 йил, 22 январда Эрганида (Диёрбакир вилояти) туғилган. Тўлиқ исм-шарифи Аҳмад Сезаи Каракоч. Бошланғич таълимни Эрганида, ўрта маълумотни Мараш ўрта мактаби ва Фозиантеп лицейида олган. Анқара университети Сиёсий Билимлар факултетини тугатган (1954). Сўнг Молия Вазирлиги, Мулкия Тафтиш мувонинлиги (1956-1959), Даромадлар Бос Шошқармаси иш бошқарувчиси (1959-1965) вазифаларида ишлаган. 1965 йилдан Бобиолиадаги "Сабоҳ" газетасида (1967-1968) фикра (ханда, латифа)лар ёза бошлади, адабий фаолиятга йўналди.

Иккинчи янги оқим шоирлари билан шакл ва ўхшашиклар бўлса-да, ўзига хос бир услуга эга. Сезаи Каракоч турк адабиётининг маҳоратли шоирлариданdir.

Тадқиқотчи Илҳан Гечер шоир ижодига бундай баҳо беради: "Каракоч шеър услуби жиҳатидан озми-кўпми "Иккинчи янги услуб"га яқин ҳисобланса ҳамки, шеърларида қўллаган мавзулари, ишонган қадриятлари нуқтаи назаридан шеъриятимизда янги ва ўзига хос бирорвоздир..."

Шоир шеърларида қадимги турк маданиятига оид ноёб қадриятларни ҳозирги кунга тадбиқ этиб, унинг ёруғлигига ҳар жиҳатдан мукаммал бир шахсият юзага келишига, пировардида уйғонишга чақириқ оҳанглари устунлик қилишига интилган.

Адид 1982 йилда маҳсус мукофотга, 1988 йилда Туркия Ёзарлар Бирлиги (Ёзувчилар уюшмаси)нинг "Устун Хизмат" мукофотига, 1991 йилда ўтказилган XII Дунё шоирлари конгресида World Academy of Art and Culture мукофотига сазовар бўлди.

Сезаи Каракочнинг "Кўрфаз", "Шохтомир", "Хизр билан қирқ соат", "Овозлар", "Тоҳанинг китоби", "Тақдир соати", "Тонг отмай" каби шеърий тўпламлари, "Уч қасида", "Фарб шеърларидан" номли таржима китоблари, икки жилдан иборат "Ҳикоялар" тўплами, шунингдек, "Пъесалар" (1982) номли китоби, "Юнус Эмро" (1985) ва "Мөхмәт Акиф" номли икки тадқиқоти эълон қилинган.

### **ОНАЛАР ВА БОЛАЛАР**

Онаси ўлган бола,  
Боғчаларнинг бурчida.  
Қўлида қора бир чўп,  
Доғ лабининг учида.

Боласи ўлган она,  
Қуёш қора кўринар.  
Қўлида арқон, қайга  
Боғлашни билмай турар...

Қочадилар ҳаммадан,  
Хилватларга равона.  
Бир-бirisiz бир жойда  
Туролмас она-бола.  
*1958 йил, ёз*

## БАЛКОН

Бола тушса ўлади, чунки балкон,  
Уйларда ўлимнинг метин кўрфази.  
Боланинг юзидан кулгу йўқоларкан,  
Балконни тутади оналар овози ...

Уйларда-ю, ичимда балкон,  
Бир тобутча ерни эгаллар.  
Кирларни осганингда бир кафан-  
Ўрнига узанган ўликлар қадар.

Келажакда балконларга ҳам,  
Ўликларни кўма бошларлар.  
Инсон ўлиб ҳам роҳатланолмас,  
Роҳатни йўлатмай тошларлар.

"Чопиб бораяпсан, бундай қаерга?"-  
дея ҳеч сўраманг, қистаманг.  
Пешонасин ўпишга кетаяпман,  
Балконсиз уй қурган устанинг...  
*1957 йил, ёз*

## УСТУН

Қанча очлар бўлса ҳаммаси менман,  
Қанча беморларнинг ҳаммаси...  
Қанча бандаргоҳлар ёнида кезган,  
Ишсиз ҳаммолларнинг ҳаммаси.

Қанча ишқдан юз ўғирганлар-  
Ошикларман паймони тўлган.  
Бутун чечакларга ўраниб,  
Бутун инсонлар билан ўлган.

Исинмоқقا кўмир тўплайди,  
Оналар қаҳридан болалар.  
Боласин сақдашни ўилайди,  
Қаҳрли кўринган оналар.

Мен ҳам болаларга қўшилиб,  
Севгилим деб ерга ёпишдим.  
Замбиллар кўтардим эзилиб,  
Овозсиз телбалик, сенга етишдим.

Қанча Мажнун бўлса, ҳаммаси менман,  
Суянинг, мен сизга келган устунман...  
*1961*

## ОҚШОМ

Оҳ, сассиз, садосиз келётган оқшом,  
Ҳар бир дараҳт каби улғайған бола...  
Инсон кўзи билан йиғлаё.тган жом,  
Оташни келтириб қилар ҳавола...

Биз ёнган оловни ташиған йўлчи,  
Гулнинг қизғишидай қизғиш олови...  
Уйни севгилимдай безаган гул-чи,  
Йигирма тўрт соатнинг кузги синови...

Чироқ нурларига уйғун китобчи,  
Ўқитар, ўқитар эски китобни.  
Ўнгланмас, ишқларда ёндирган овчи,  
Ҳавога совураг кулимиз хокни...

1974

## ҚОР ШЕЪРИ

Қор ёға бошласа бирма-бир,  
Қопланган тупроқни тушунсанг.  
Оқликка беланса қир-адир,  
Қор ичидаги қорни кўрсанг...  
Англай бошлайсан...

Аллоҳнинг ҳикмати қор каби ёғса,  
Қорлар суви эриб бошингдан оқса,  
Бошингни олдингга эгишинг билан,  
Менинг ушбу шеърим қаршингга чиқса...  
Англай бошлайсан...

Келиб кетаверса одамлар бутун,  
Қўлингда рўёлар алмашса секин,  
Ҳар авфда бир қасос сачратса учқун,  
Шеъримни англасанг мени ҳам бир кун...  
Англай бошлайсан...

Мен бу шеърни ёздим мусаффо ишқдан,  
Қўлларим қалтираб борар совуқдан.  
Руҳим сенинг хаёлингда нурланди,  
Ҳаммасини мени англашинг билан,  
Англай бошлайсан...

1953 йил, январь

## ГҮША

Сен келдинг, менинг телба гўшамда турдинг,  
Устингда соябон - булутлар юрарди.  
Марҳаматнинг ўзи эди кўзларинг...  
Марҳамат сочинга ивитган ёмғир эди,  
Келган булутларнинг остида турдик...

Сўзладинг, қуёшни хотирлар эдим,  
Фарид ва бекиёс бир овоз эдинг.  
Шунчалар бегона, шунчалар таниш,  
Бу овоз сочимга ёқсан қор эди...

Тишларинг ўпилган бола юзидаи,  
Қуёшга тутилган кичик ойналар.  
Музлаб қолган булоқ сувидай,  
Товланар, очилган кичик ойналар...

Ва кулдинг, ранго-ранг ёмғирлар ёғди,  
Инсонни йифлатган ёмғирлар эди...  
Ярадор жайроннинг кўзидай иссиқ,  
Ярадор жайрондай сасинг бор эди.

Сен келдинг, менинг телба гўшамда турдинг,  
Булутлар келди, устингда турди.  
Марҳаматнинг ўзи эди кўзларинг...

*1954 йил, май*

## ҚОРА ИЛОН

Қуёшнинг янги чиққанидан сенга хабар беряпман,  
Ёмғирнинг енгил, тупроқнинг оғирлигидан...  
Вужудим-ла қора илон, сени чақиряпман. . .  
Бармоқларимдан сут ичишинг учун...  
Пахтанинг оғирлигидан, тоғнинг енгиллигидан,  
Сенга хабар беряпман янги чиққан қуёшдан...

Мен жанублик бола, дўстим, мен жанубликман,  
Умрим қадар гуноҳим бор, гуноҳим қадар умрим.  
Оқармаган сочини қуёш тиғига тутган,  
Сочларини азобнинг қўлларида унуглан.  
Бармоқларимдан сут ичишга чорляпман сени,  
Эй қора илон: мен жанубликман...

Мен ишқни кўксимда гулдай олиб юрмайман,  
Қўрғошиндай олиб юраман, қўрғошиндай.  
Келиб суюнганман темир эшигига савдонинг...

Мен яшамаётгандай, яшамаётгандай яшаяпман,  
Ишқни эса... кўксимда қўрғошиндай ташияпман.  
Сени сут ичишга чорляяпман бармоқларимдан,  
Қора илон, қора илон, қора илон, қора илон!...  
*1953 йил, март*

## ЁМФИР ДУОСИ

Мен келдим, бағрини очмади кўклар,  
Ё мен тушунмадим булултлар райин.  
Ё булултлар мендан бир нарса йўклар,  
Ҳаёт бир ўлимдир, ишқ ҷоҳи тайин...  
Мен келдим, бағрини очмади кўклар...

Бир ёмғир биламан, биламан бир йўл;  
Пешонамга бир-бир тушар томчилар.  
Йўлакчада кўкка боқаман нуқул,  
На шаҳар, на денгиз, муқим кемалар...  
Бир ёмғир биламан, биламан бир йўл...

Негадир алданган илк кеча онам,  
Афсунли бир кўйлак кийдирган менга.  
Шундан уролмади кўклар бир кишан,  
Тинмади ичимда қўпган пўртана,  
Негадир алданган илк кеча онам...

Бири чиққан каби бўш бир мозордан,  
Ўртада ўлимнинг сассизлиги бор.  
Менга нима келса келди юқор(и)дан,  
Нима қилса қилди маюс булултлар.  
Бири чиққан каби бўш бир мозордан.

Яхшики билмайди бутун оломон,  
Ёмғирга боқади ойна ортидан.  
Шукрки, айридир яхшидан ёмон,  
Бири жаннатидир, бири кофиран.  
Яхшики билмайди бутун оломон...

Ёмғир дуосига чиқсайдик дўстлар,  
Булултлар ёрилиб, ҳаво бўзларди.  
Энди не эҳтимол, не имкон қолди,  
Кўкка ҳукм этмоқдан қулай не бор эди?...  
Ёмғир дуосига чиқсайдик дўстлар...

Мен келдим, бағрини очмади кўклар,  
Ё мен тушунмадим булултлар райин.  
Ё булултлар мендан бир нарса йўклар,  
Ҳаёт бир ўлимдир, ишқҷоҳи тайин...

Мен келдим, бағрини очмади кўклар..  
1951

## ҚУТҚАРИШ

Кичик бир оқшом келди менга:  
"Унутдингми мени?" -деди хәёлинг.  
Тоғлардан ҳам оғир ботди елкамга,  
Золим хотиранинг аччиқ саволи.

Қонли ўтмишларни ўнглай, ўнглай,  
Қайтди кўзларинг ҳам ўз менлигимга.  
Ииғладим, ссни ичимда тинглай, тинглай,  
Қайтадан мен сени топганлигимга...

Забт этмоқ иетадим кўз ёшларимни,  
Энг теран, бой денгизлар каби.  
Забаржат, маржонли шафқатларингни,  
Қўлларинг усгимдан сочди зар каби...

Ойдинлигингни кўрдим, қамрабди яна,  
Мудҳиш бир нур каби кўнгил уйимни...

## ҲУР БАҲОР

Кеча бир гул тушди томдан,  
"Баҳор келибди"-дедим бошим кўтармай.  
Эсладим дуркунлигинг, қуёшни қизартган кунларингни,  
Юзинг, кўксинг қўлинг гул, гул бўлиб оққан.

Эгилардинг замонга бинафшалар каби сен,  
Қўрқардим тепангдаги лайлакка боқиб.  
Лайлаклар оклигидан ойдинларди мармар ўлканг,  
Қалбимизни шаффоф соғинчи билан ёққан...

Тақдиримга урди сувлар, тоғларга, юлдузларга,  
Кечага кўмди мени тун, интилдим нурга,  
Булутлар соя солди у нурли баҳорга,  
Гуллар чангнинг сархушлиги орасидан боққан...

Бир шамол урди юзимга "баҳор" деб бақириб,  
Қулни ҳурликка чорлагандай мени сенга чақириб,  
То Бобилдан устимга йиқилган занжирни синдириб,  
Сенга етмоқ, чопмоқ истадим, шу соат, шу он...

Сўнгра бирданига бир сукунат тушди устимга,  
Кўз олдимга келдинг ўша табассум-ла.

Атрофингда болалар, баҳт, гул дасталари,  
Кўнглимга салқим-салқим рўёларини тақсан...

Қувват-ла ерни босдим, теранлигини сўрдим тупроқнинг,  
Елкаларимдан тушди гўё оғирлиги бир тоғнинг.  
Расмингни чизавердим қутли сахифасига чоғнинг,  
Исмингни пичирладим еру-кўкларда тинмасдан...

## ТУҒИЛИШ

Ой қалқди - сен ёйилдинг ўрталикка,  
Овозсиз телбалик ичида қўлим тинди.  
Қўлим, бу уммонларда ювилган,  
Сенинг бўёқсиз қўлингга сингди.

Энг теран денгиз туби каби урдим-  
Урдим ўзимни ҳайкалдай чайқалдим.  
Ўзимни дельфинга урдим чайқалдим,  
Сени узоқларда, ойларда кўрдим...

Бутун инсонлару, ўлкалар кулга айланмоқда,  
Қорайтганим-севги кечувларидан...  
Ой ичида қўлинг парча-парча,  
Оқ денгиз қирғоқларида эса менинг...

## ҚУШИМЧА

Ойнинг жозибига дуч бўлдим,  
Дажланинг қуриган лабида.  
Чайқалдим ишқингга тутилдим,  
Чайқалдим шеърнинг қучоғида.

Сен эса ювиниб, ҳайкаллар каби,  
Ой нурида қўлларинг "ёз" дер эдинг.  
Кўзларинг ёшараарди, қалб баҳоримда,  
Бир вақтлар сен ипак мен-чи, ер эдим.

Парини ўғирлар каби сени ҳам,  
Ўғирлаб, кўринмас занжир урдилар менга,  
Урдилар, буюк азобларга солдилар.

Сени олиб кетди мавҳум золимлар,  
Карвонига қўшиб ғарб томон...  
Ва сассиз тақдир-чи, ҳамон одимлар...

## ЖОҲИД ЗАРИФЎЛИ (1940-1987)

1940 йилда Анқарада туғилган Жоҳид Зарифўли асли Марашдан. Отасининг хизмати юзасидан илк ва ўрта таълимни Сиварак, Анқара, Қизилчаҳаммом ва Қаҳрамонмарашда тамомлаган. 1972 йилда Истанбул университети Адабиёт факультети, Олмон тили ва адабиёти бўлимини битирган. Талабалик йилларида турли ташкилотларда таржимон бўлиб ишлаган. Тил ўрганиш учун Европага кетди. Шу сабабли бутун Европани кезди. Қайтгач, хусусий лицейда дарс берди. Машина ва кимё индустрисида, ТРТ (Туркия телеканали)да таржимонлик, сўнгра Истанбул радиосида бош мухаррир бўлиб ишлади. Адабий ҳаётга лицейдалик пайтидаёқ кириб келганди. Мараш газеталарида шеър эълон қилди. Мараща "Аччиқ" номли журнал ҳам чиқарган. Айниқса, "Тирилиш", "Адабиёт", "Мавера" журналларида кўплаб шеърлари, ҳикоя ва кундаликлари билан танилди. Таъсис ва нашр қилишда ўзи ҳам иштирок этган "Мавера" (Учинчи олам) журналини бошқарди. "Янги давр", "Миллий газета" ва "Замон" газеталарида Аҳмад Соғлом, Ведат Жом, Абдураҳмон Жом тахаллуслари билан имзолаган диалогли битикдари билан шухрат козонди. "Ислом", "Аёл", "Оила", "Гул бола" каби қатор журналларда ҳам эътиборли чиқишлар қилди. Сўнгги йилларда ижодини тўла болалар адабиётига бағишилади.

"Юрак бобо ва подшоҳ" асари билан 1984 йилда Туркия ёзувчилар уюшмасига қабул қилинди. Ижодкор шеърлари бир қарашда мураккаб, тушунарсиздай, аммо синчиклаб ўқиган китобхон уларнинг оригиналлигини сезади.

1987 йилда Истанбулда вафот этди.

Асарлари: "Ишора болалари" (Шеърлар, 1967), "Етти гўзал одам" (Шеърлар, 1973), "Инс" (Хикоялар, 1974), "Манзиллар" (Шеърлар, 1977), "Яшаш" (Кундаликлар, 1980), "Чумчуккуш" (Хикоялар, 1983), "Дараҳт қоққанлар" (Эртаклар, 1983), "Котир арслон" (Эртаклар, 1983), "Юрак бобо ва подшоҳ" (Эртаклар, 1984), "Уруш ритмлари" (Роман, 1985), "Қўрқув ва тутиш" (Шеърлар, 1986), "Дунё бир тегирмон" (Тажрибалар, 1987), "Моторли қуш" (Эртаклар, 1987), "Сутчи имомлар" (Пьеса, 1987), "Дараҳт мактаб" (Шеърлар, 1990).

### БУ ЕР ҚАЕР, БУ ЕР БИР ОДАМ

Қўрқувни қамрайди тошлар,  
Қоронғу устига тортганда пардани.  
Қўқ ҳузун-ла қамрар хонани,  
Эл ухлайди, аквариумдаги балиқ,  
Расми олинган денгиз...

Шундай бир чечак бор эди,  
Рўёдаги кечув юксалиб,  
Юксалиб, юксалиб, юксалиб,  
Хатчўпни бир кечада эзиб,  
Қўлини қўллаган.  
Пешонасини бутун бир деворга таяган,  
Овозлари эса ўрмон катталигига.  
Қуёшга йўл очган бола,  
Курашиб бутун юришлари билан,  
Кечиккан бир денгиз фонуси...

Соатлар ёлворар бетиним тез-тез,  
Шафақни қизартар қон оқкан томир.  
Қийналади эшикка чорланган одим,  
Энг қўрқилган ҳақиқатни,  
Бир бўйин эгиш-ла енгилган...  
Шундай бир гул бор эди,  
Қил илдизлари,  
Чоғнинг тебранган деворларидан.  
Бу ер бир одам,  
Бир ишқ ишқида  
Бир қанча ҳибсхонада тутилган,  
(Сўнг) оқиб кетган сув, уйғонган одам,  
Сувни кечиб ўтмоқчи бўлгак чумоли...  
Бир тошнинг оловидан қўрига босиб,  
Қочиб қолан одам.  
Ашёсини ташламас ҳатто уйқуда...

## **УЧАР НАЙЗА**

Тонг олқишлиар кечани,  
Иссиқ дамлари, сукунатлари билан  
Ойдинлатар бир учидан,  
Нонушта дастурхонидаги чой пиёласини.

Равон, қобил, нурли бир оғиз,  
Яширинча ҳужрани келтирас бутунича  
Ва ақлга келган телеграф симидағи  
Ўпишаётган икки кабутар,  
Тозарган, юмшаган тумшуғи билан.

Бу ўтган найза шиддатли қалин  
Аждодларнинг қадри баланд оти билан  
(Бу) шубҳасиз йўлда керак (да),  
Найза ўтар нурдан,  
Ёриб борар кечани тўлдирган қоронғуни ҳам...

## **ҚАБУЛ**

Эски шоирлигим кетди қўзимдан,  
Ғайри бир ҳол ила яроғланяпман.

Озиқ йўлдош бўлмас, кеч тўқликлардан,  
Камга тўй, оч инсон замонларини.

От ол, от мин, яроғлан жигарингга чоп,  
Интил бола тўймас илк бу сувларга.

Ҳей-ҳей, қўзим, ҳей-ҳей кўз ёшсиз қолдинг,  
Қанча ханжар урдинг, сабрни қадоқладинг.

Кўксимда бир кичик дарё топдим,  
Ипингга боғланмас жайрон йўлдошим.

Этагини кўтарган бир севгили тушди қумлоққа,  
Ингичка қуруқдудоқларида бир ҳасрат чинқириғи.

Зариф, сен ҳам ингра токи ҳузурга бординг,  
Қанча исён қилдинг, шунча ғурбатда қолдинг...

## ГЎЗАЛЧИН

Чоп, чопавер, анор кўзлим,  
Дўмбоқина оёқларинг-ла.  
Тулпор абзаллик белбофинг,  
Келишган белинг устида.

Чопавер, азоблардан қочамиз,  
Магизлар узум бўлдими ҳеч?...  
Бир сўз, икки кулиш, бир ўпич,  
Бир-бирига қовушган танлар...

Рухсатлимсан, ишқимсан бери кел,  
Қонинг кўпирик, бошинг тик.  
О, севимли боқишинг билан,  
Ичимни юв, мармар тўша, кел...

Юксакда янги ой инжа ишорат,  
На сўқир кўзлар кезар зулматда.  
На уйнинг севинчидан қўрқкан бор,  
Осмонларда қуёш ва болаларимиз.

Чердакда намлик ва сирка ётар.  
Энаганг ширинлик қилиб тарқатсин.  
Бахтлимиз-бутун дунёга бақир,  
Дунё эшитсин...

## ЗАРИФ ЧЎПОН

У гўзални менга берсалар,  
Дўмбок қўзичноқлар ҳаққига.  
Яйловларга атлас гилам сарсалар<sup>20</sup>,  
Дўмбок қўзичноқлар ҳаққига.

Ёйилсин тупроқлар, ошиқлар кезади,  
Фарёд, тошларни ингратади.

---

<sup>20</sup> тўшасалар

Бошга гулу сүмбул урсалар,  
Дўмбок қўзичоқлар ҳаққига.

Айри қолсам йиғлар, инграрман,  
Тоғ суюнчи, тиклик, чориқтиларман.  
Бағримда ёсунлар<sup>21</sup> унди кўрсалар,  
Дўмбок қўзичоқлар ҳаққига.  
Ўтаётган булут, ўтаётган умрдир,  
Тунми, сочми бу, йўқ, кўмирдир.  
Зариф чўпон бўдди билсалар,  
Дўмбок қўзичоқлар ҳаққига...

## МАНЗИЛЛАР

Сўзинг ва йўлинг бошчашмаси руҳимнинг,  
Жоним ичра севинч берар сўзларинг.

Ҳатто, боққаним - тоғлар ўйи ҳам йиғлатар мени,  
Қанча буйруғингга ўрансам, шунча ҳурман сultonим.

Ишқинг минг кўзли девга бир бош экан,  
Юм ҳар кўзингни уйқулару суҳбатдан.

Тин ол эй Зариф, тадбир учун кўп сўзладинг,  
Бу нуқсонли ақл билан бу қандай журъат қилганинг?...

## ИСТАБ

Қарши тоғдан маъраган жоним,  
Кунлар қандай ғазаб қиласар бошимизда.  
Қўлингни узатиб боқдингми ғамли қўшни ўлкага,  
Булбул нега боғланган ҳеч сўрадингми?  
Суяклари ҳуриган бир инсонни кўрдим...  
Қарши тоғдан маъраган жоним.

Уйнинг кўринмаган қўллари,  
Ёмғир ёноқларида кўз ёш доналари.  
Узоққа кетганлар жон пора эркак оғалари...  
Уйда қизлар,.тengsiz бу қизлар,  
Олов каби улфатлари-  
Доғли, салқин пиёлалару, чelaklari...  
Оналари билинmas бир бурчақда,  
Бир нофора каби...

Ҳаётнинг бошида чангит кўй юнгини,

<sup>21</sup> гул тури

Ҳаллоч<sup>22</sup> билан, ҳаллоchlар билан.  
Бир ёпиқ оғзинг бор, гўё улуғ марш эшитиб,  
Сукут қилгандай...

Тахмондан менга (ҳам) бир кўрпа олдилар,  
Усти мовий чечаклардан.  
Бир даҳлиздан ўтқазиб жой солдилар,  
Тарадилар уйқумнинг сочини соатларча,  
Ҳозир(ча) устим соғлом,  
Қаршимда ҳамла ётоқлари...  
Бир қўлимда қилич,  
Бир қўлимда зафар дуолари...

## МУҚАДДАС МОВИЙ БОЛА ШЕЪРИ

Қўлларинг чиқди ва қўкнинг ўртасига келди,  
Далада.  
Қараши борган сари тупроқقا қоришган.  
Бу қадар (ненидир) кутаркан,  
Хабарсиз эди,  
Ҳатто улар ҳам хабарсиз эдилар..  
(Илк бор)  
Сувлар англадими,  
Тоғлар сездими,  
Ёки бирор гулми нохосдан?  
Бир кун,  
Қанд каби бир лаҳза,  
Метин каби бир лаҳза.  
Ҳамма нарса  
Ва ҳаммаси бошин кўтарди,  
Дарҳол қўлининг сояси тушди юзларига.  
Қоришиқ, мавҳум, узун,  
Ўтди, ўтаверди сояси,  
Зардўштнинг оёқларидан бир бургутнинг..

## ХОТИРА ДАФТАРИДА ГУЛ ЯПРОГИ

Хотиралар дафтаридан гул япроғи каби  
Унутилдим, қуридим .  
Бошимга савдо тузоги тушди.  
Бир бошимга танҳолик қаҳрини чекдим,  
Сен, ким билар шамолли этакларинг-ла,  
Қайси иқлимдасан.  
Мен сенсиз бу сукунатда,  
Айрилиқ-ла бошим балода,  
Кўзларингни кўчир кўзимга...

<sup>22</sup> юнг титувчи бир чўп

Йўқса мен сенсиз бу сукунатда  
Телбаланаман,  
Бу сукунатда...

## ИШОРА БОЛАЛАРИ

Ёсин ўқилган, хушбўй тутатилган бозорлардан  
Ўтиб борарди отам,  
Бошида ёмғир халқалари...

Онам яшил хирқалар кўрарди тушида,  
Яна илк гўзаллигига эди...  
Пешонасини икки тоғ ўртасига солган,  
Бир девнинг кўксига ўхшаган,  
Кўксидан дуолар ўтаркан...

Бозорлар, қўлларида нон тугунлари,  
Жомеъ ҳовлиларига очилган...  
Ховуз сувларига тўпланган болалар,  
Кўрмасдан қуёшнинг бутун рангларини,  
Олиб келмасдилар дўкондаги оталарига,  
Ўчоқда пишган қайноқ емакларини,  
Бувилари солиб берган кичик идишларни...

Боши ва юраги ботир,  
Қалъаларини қўриқлаган аёлларнинг,  
Бошларини оғирлаштирган,  
Оғир қора шалола соchlарини,  
Тутганда ёшаарди эркаклар.

Сўнгра инсон шундайки, денгизда,  
Катта кичик дарёда,  
Бадани ювган афсунли сувда,  
Аввал ният қилиб, сўнг ювинарди.

Замон дард келтирди сувларга,  
Ичиди балиқлар ётган қоялар.  
Урушган инсонлар қўлида,  
Йўнилиб, найза ҳолига келган...

Онам, қуриган чўп қўлида,  
Ғавғо қилган бир журъат-ла  
Қора ўчоқ тошларига  
Ишоралаб қўйди болаларини,  
Белида бўлган отамнинг...  
Оқ қофозга ёзган исмларини,  
(Инкор қилиб).

Юраги қўрқувдан қувватланди отамнинг,  
Унутиб ёшлик кунларини...  
Вақт олиб кетган кунларни...  
Мустаҳкам топишмоқ билан,  
Отини шаҳарга бурди яна...

Юнг йигириб, отни кутган аёллар,  
Ўрмонларда тепадан эгилган тупроқ уйларда,  
Кичик деразали қоронғу тор хоналарда...  
Узоқдан келган бўри нолиши...  
Узокқа чекикиб кетган,  
Аёзда қстгкн кулгулар ичида,  
Ўрмонларда сут эмизган она,  
Унутди бора-бора каттарган боласини...

Мудом қочармиш шаҳарларнинг  
Темир тоғларига,  
Ухланшим билаи тупроқ бешигимда,  
Соҳнибсиз қолган,  
Қўлимдан кетган эди,  
Ойдинлик кунларим!...

## ИСМАТ ЎЗАЛ (1944 йилда туғилган)

Шоир ва ёзувчи Исмат Ўзал 1944 йилда Қайсарида туғилган. Бошланғич ва ўрта мактабни Кастаному, Чанқири ва Анқарада ўқиган. Бир муддат Анқара университети, сиёсий фанлар факультетида ўқиган. Кейинчалик Ҳожитена Университети, Француз тили ва адабиёти бўлимини битирган (1977). 1970 йилда Атаол Баҳромўғли билан ҳамкорликда "Халқнинг дўстлари" номли журнал чиқарган.

Газеталарда эълон қилинмай қолган мақола ва шеърларини 1960 йилдан бошлаб "Девоним 60", "Папирос", "Янги журнал", "Шеър санъати", "Халқнинг дўстлари" (1964-1971), "Тирли иш", "Мавера", "Намойиш" ва бошқа журналдарда эълон қилдирган.

"Тошлиарни ейиш таъққлакган" номли китоби билан Туркия Ёзувчилар Уюшмасининг мукофотига (1985) ва Чилилик шоир Габриела Мистереал мукофотига (1995) сазовор бўлди.

Шеърий асарларп: "Кечки бир пойга" (1966), "Ҳа, исён" (1969), "Жиноятлар китоби" (1975), "Шеърлар" (1962-1974, 1980), "Шеър китоби" (1982), "Жалолиддинга қулимсиарканман. олдирганим сўнгги расмнинг орқасидаги сатрлар" (1984). "Арбайн-Қирқ йилнинг шеърлари" (1987), "Бир Юсуф эртаги" (2000).

Мақолалар: "Уч масала" (1975), "Шеър ўқиши қўлланмаси" (1980), "Қийин пайтда гаплашмоқ" (1984), "Қараганлар ва кўрганлар" (1985), "Бефойда ёзувлар" (1986), "Қовоқ осиш ҳаққимиз" (1987), "Таҳдид эмас таклиф" (1987), "Валдо, нега сен бу ерда эмассан" (1988), "Жума мактублари" (1889-1992), "Нима йўқотганингни эсла" (1996), "Қўённинг учрашуви" (1999), "Жума хатлари, 6-7" (2002), "Жума хатлари, 8", "Жума мактублари, 9" (2003).

### СЕВГИЛИМГА БИР КАФАН

Олчоқ бир овоз учмоқда тепамдан,  
Сочлари хиноли бир аёл меҳроби.  
Бу ёшарган кўзлар телба қилар кунни,  
Инсонни китобдан, чилладан чиқарар хитоби,  
Ўрлаб келаверар чумолилар бир-бир,  
Жимир-жимир ёпилиб боради устим.  
Қизик,  
Бир исёнкор ҳозирлигидир  
Бир олчоқ овозда устимда ўлим  
(Бегоня<sup>23</sup>, Консор<sup>24</sup>-ла ёпилар устим)  
Оқ сурплар турибди ойна ортида  
Ва ўрнидан жилган инсон кўзлари...  
Қирқ ботмон юқ босар ўша кўзлари,  
Бағрида тош қотган она сўзлари.  
Унинг жасадидан тарқаётган чанг...  
Эй, ғамлар қўриғи, гўзал соҳиба...

Бир исёнкор гуруҳнинг иши ортидан,  
Ўзи адо бўлган гўзалигимни ғижимлаб,  
Оғриқдай келмоқда тушдан кейинлар...  
Шанба кунларида юрак ғижиллар...

<sup>23</sup> гул тури

<sup>24</sup> қасаллик тури

Умидларим эса ёввойи ҳайвон каби,  
Тарчин<sup>25</sup> ҳидларини етаклаб келар...  
Ўтирган уйимни тўлдирган қайғу,  
Тушдан сўнг келганин қайта эслатар...

Ювинади темирчилар бозорларда,  
Шовқин-ла қувилар шириналк сотган хотинлар.  
Таёклар билан қайсарлари урилади,  
Тўнғиз, умидларни қувар, хотинлар тинглар.  
Менинг ишим эмас бир ёр севиш яширин,  
Ҳар ёним қизиқишлиар билан таланмоқда,  
У бухур<sup>26</sup> ҳидлари шунчалар ширин,  
Ош бериб тупроқ еб юрган оналаримиз...  
Юрагимнинг занжирига айланмоқда...

Юрагимнинг занжирларини узган ойга қарши,  
Самовий санчиғим санчир билакларимда,  
Санчилмоқда қиринди, майдаланган тошлар,  
Қовоғи осилган ёноқларимга ...  
Севгилимга тошдан бир кафандар йўнилмоқда...

## ЎЙФОНСИН СЕВГИЛИМ

Темир бошпаналар остида ухлар севганим,  
Кўксига ҳазин оёқ излари ўша февралнинг,  
Уни яралар қимиirlатар, ингратар  
Ва у ғазабланмоқда яралардан,  
Кўксига қадалмоқда от туёғининг саслари,  
Сочлари жингалак болани ўпиди ўйғотган,  
Ичимизга қуёшлар солган ўша туёқлар...  
Чопқи билан чопилган бир оғзи бордир тонгнинг,  
Борган сари байроқкўриб, маршларни эшитяпман.  
Бошим телб&тарча буралган шохлар-ла машғул қолар,  
Оёққа турмоқдаман бутун тажанглигим-ла,  
Муштларим буюк юракларга урилар...  
Кесилган қўллари бор ишқнинг,  
Қайсарлиги, туллиги сақланган ҳануз.  
Паришон бир эркалаш унга бўлар бошпана,  
Болаларни ғамгинроқ эркалаш билан,  
Қамчилаб улғайтганим оғриғимдан кечаяпман...  
Менга нима жарчилардан, олиб сотар қуллардан.  
Халқ қалъа бўлса уни қалъа қилган мендирман,  
Югуради қонимда йилларнинг шўх шовқини,  
Чунки ғавғолар учун бошпанадир юрагим...  
Ой урилиб порлатар кўксимдаги маҳшарни.  
Чунки ғавғолар учун бошпанадир юрагим.

<sup>25</sup> хушбўй дарахт

<sup>26</sup> хушбўй чўп тутатилади

Тик бош, тик қараш, эркакча ҳайқиришни,  
Кунгайга, энг юқорига тортилмоқда кўкраклар,  
Юқорида чатнайди ишқдан масрур юраклар.  
Йиллардир бола боши оқади ён бағримиздан...  
Йиллардир балчиқли бир ҳайвон чиқиндисида.  
Шаҳарлик-жиноятнинг расми бор чўнтағида,  
Қишлоқлик-бироз сукут-ғалатироқ қалима.  
Асфальт ёқар димоқни, инсон тўплар бетиним,  
Кўмилиб борар секин елкаларимиз овозга.  
Йиқилиб бир бўронда тўплаган чечакларим,  
Мен марди майдон гурзи, тупроқ қондан қорайган.  
Гулларнинг минг йиллик мозори мендадур.  
Юқоридан қарайман афандилар зирҳига,  
Инсонларнинг тонгларини қайғураман,  
Ҳатто кўк ҳам орзуманд мендаги бу қайғуга,  
Менинг муштим атирдир, ишқа мен тиз чўкаман...  
Майдонлардан кучланар, юрагим майдонлардан.  
Урилсин довули шу шафқатсиз ишқимизнинг,  
Урилсин исён учун йўлак бўлган томирим,  
Мен ойни мўлжал олиб, қиласман тилим-тилим,  
Ой синифи юзига тегиб, Уйғонсин севгилим...

## ЯШАШ УМРИМДАДИР

### I

Тонг шоирларга қасдланар,  
Яшашдан қуёш тўсмоқда.  
Қалби тупроқдан юлинар,  
Ишқ илдизини кесмоқда.

Кўзлари лайлак галаси,  
Мияси оч қушлар тўпи.  
Ҳаётдан битта гинаси,  
Унинг жойи дунё чети.

Аллоҳнинг, давлатнинг олдида,  
Уни порохларга қўшишар.  
Халқ эшигин тошламоқда,  
Ҳам унга туялар сўйишар...

Ишқ исёнига ойдинлик,  
Келтирган унинг бу қалби.  
Тупроқдан айрилар кунлик,  
Ахир у тонгдан үялди...

Мен тупроқдан юлиняпман,  
Самум шамоли қонимда.

Арқдан тунда оқсан сувлар,  
Қайғу солар товонимдан.

Ҳосилим узилган япроқ,  
Раҳматлар ёғар ортимдан.  
Яширдим шум ёшлигимни,  
Тоғларни унга сордим<sup>27</sup> ман.

Тоғларнинг томирларидан,  
Тушимда яратилган кимё.  
Миямда доим чарх урар,  
Менинг ҳайронлигим - дунё...

## II

Менинг ҳайронлигимдан инграрди шаҳар,  
Мен отларга, узоқларга ҳайрон эдим.  
Ўз эҳромини ҳам танимаган аёллар,  
Бехосдан очиларди баҳорда,  
Дудоқларимда ҳуштаклар бор эди.  
Тоғ гуллари сабабли,  
Ирмокларга урадим ўзимни,  
Рұхимда қайноқ одимлар билан кезгандай,  
Менинг хоин севгилим эди...

Яшаш, ҳаёт уринарди ичимда бир тулпор каби,  
Мени энди бирор ғам ё шодлик бошқармасди.  
Чунки мен тисланиб юрсам роҳат озод бўларди,  
Сенга интила бошлар эдим яна,  
Тупроқни тешган овозим билан.  
Сенга интилардим аёвсиз қум бўрони билан,  
Устма-уст йиқиларди кунлар.  
Эй, тошган сувларнинг макони,  
Эй, тошган сувларнинг бокираси...  
Мен сенга интилаверардим,  
Аслида интилавераман ҳам...

## СЕВГИЛИМ ҲАЁТ

Юзимга боқ ва уни ур, алмаштири уни,  
Тоғликларча тушунча қолдир сен.  
Ҳар ҳафта ўглини лаганда ювган ҳаёт.  
Сенинг тириклик сийнангдан тишлаб,  
Дудоқларинг тузини сўриш учун кўпдан,  
Юқорига интилдим, қоришдим булатга.  
Қоронғу қаҳвахонада соқоли олинмаган одамлар-  
Улар ўргатди менга сенинг табиатингни...

<sup>27</sup> ўрадим

Махмур бир тухумдан чиқиб, фабрика сигналлари,  
Тиззасига ётқизилган тонг,  
Сенинг қалбингни дўппосларди.  
Газета тарқатган-сени тарқатган ёш болалар,  
Полис ёқтирган бу болалар...

Юзимга боқ ва руҳимни менга қараб такрорла,  
Мен шундай деб биламанки яшамоқни.  
Чунки биз уришмасак онамнинг жакетини,  
Суфрадаги нонни талашмасак, болалигимиз,  
Айниган ярадан фарқ қилмайди,  
Этларимиз кўкларни саситади,  
Агар биз уришиб, курашмасак...

Ҳаёт!  
Севгилим бўласанми?  
Мен курашай сенинг қоришиқ соchlарингдан тутиб,  
Кибрлл гузаллигингни ўртага чиқариб.  
Дунё!  
Кирлатилмас бир қайсаrlик билан айланар,  
Пойимпзга юлдузлар тўшалмоқда  
Ва юзим сувга югуриб бормоқда...  
Севгилим ҳаёт...

## АЙНИ ОДАМ

Чанглидир соchlарим, соchlаримдан,  
Тўнтарилган саройларнинг тўзонлари соврилар,  
Юзим ёнади,  
Юрагимга бир атиргул қадалган,  
Ва "дук-дук" зарбалар дунёга илган шавқ...

Менинг кўксимда уриб туради;  
Мен дунёга қарши юришда машҳурман.  
Баҳорда сурғунлар шу ичимга қатронлар,  
Ҳам югуриб тутганим севгилар бор.  
Ҳам кўрганман бу севгиларпинг қисматларини,  
Сувлар катта тошларни парчалаб хотирлар,  
Умидли сокинликларимни.

Мен дунёга қарши юришда машҳурман,  
Илдизлардап шохларга қарао юрган сувлардай.  
Юраман кўмир ўчоқлари, майдаланган тутунга,  
Ҳузун ва оғриқлар бироз жонланади...

Юраман, чункп ўлимдир юрмаслик,  
Юраман, юришим ер юзининг ҳолидир,

Қон-ла тўкар исмалоқни далалар,  
Шовқин ичра қимирлайди яна бошқаси...  
Кўкларни устимдан ошириб юраман,  
Ёғли жакетимнинг ёқасида анор гуллар...

Айни одамман. Октябрь кунларидан бирида,  
Гумбур-гумбур келаман,  
Тунука томлар устидан.  
Тонгда чиқсан қуёш эса,  
Олхўрилар отиб порлайди ҳар қадамимда.

Тушундим қаердан келар ҳорғинлик,  
Ҳорғинлик келтирас табассум юзга.  
Ҳаётнинг менга аврат бўлишини тушундим,  
Ишчилар буни ўқ еб ўрганди.

Юряпман, озорланяпман ҳокимлардан,  
Икки бомба каби икки қўлтиғимда нон.  
Парчаланган санчиқлар-ла ўтаяпман,  
Ўтаяпман бодом гуллар остидан,

Кўзларим эса намли эмас, номли...

## ЙИҚИЛМА АСЛО

Турли-туман сўзлар келтираман,  
Оёқ ости дунёда қаҳрлантирадиган сўзлар.  
Баъзилари патдай, баъзилари темирдай,  
Улар сени тик тутади, биламан.  
Қафаснинг, гул болғанинг, момиқнинг  
Туташган жойидан шеърлар тўқийсан.

Кишда қийин яшадим, сеники каби сиёҳранг,  
Очиқдим бир жойларим санчиди.  
Сўкмадим аммо қўпол хатоларини фашизмнинг,  
Чунки қалбим ишқдан чил-чил эди.

Ҳар тонг тўқнашиб чекинарди қоронғу қисматимдан,  
Ғамларни ҳам сезмадим қуруқ юрак олдида.  
Миям ҳар тонг исёнкорлар мияси эди,  
Оёкларим қистарди: кел кетамиз, соғсан-ку, дерди.

Яраларнинг қобиғи осон қўтарилади,  
Халқнинг туғдирган дунёсига шўнғисанг.  
Уларнинг қуёшга урилган овозини англамаган,  
Тўрт девор, панжаранинг машҳур соҳиблари,  
Тамоша ҳам қилолмайди ичимиздаги шонликни.  
Ёнимизга яқин йўлолмас эканлар.

Бизни ҳаёт кутар экан, йиқилиш қўлингдами?...

Бекорга оловли латга сукилдими фабрика қувурлариға,  
Қўрошин ишчилар бағрини бекор кемирдими?  
Борсин зиндоnlар шовқини урсин қулоқларга,  
Яшаш!... Биз учун қўшиқ эмас-ку?...

Бу юрак кўк-ла келишиб яшашга ўрганган,  
Бир карра қайталанган тупроқнинг телбалиги.  
Афсуски узоқцир қушлари, кўчалари бу шаҳарнинг.  
Бунда фақат лаззату ҳирс билан севгини хўрлашар...

Кўпирган, кўпиртирган бир ҳаёт нидоси бу,  
Бутун исёнчилар чеккан ҳасрат!  
Энг кучли ҳорғинлик тинимсиз қуролланар,  
Тоғларда энг шонли ўлим топар дўстларимиз.  
Аммо курашилаётган экан,  
Демак биз яшаяпмиз!...  
Йиқилма асло! Курашиларкан яшалади.

## ЮР, ТЎЙГА КЕТАМИЗ

(Онамнинг уюшган оёғини силаб айтган сўзлари<sup>)</sup>

Сарғайдинг ғамлардан, уч кун йиғладинг,  
Боқдим кўзларингга, сакраган халқ кўзлари эди.  
Нозик эдинг,  
Финжовдаги бир гулоб сувга ўхшамайди нозиклигинг,  
Чумчуклар сайрамас дудокдарингда.  
Ҳам оёғи тақаланган отлардай ювош,  
Ёз тунлари исиган тошлардай илиқ...  
Қонимда гул қони кўтшради,  
Тўлдиради шундай кўзимни нозиклигинг...

Танимда из қолдирган қорнинг ҳиди,  
Терли, мавҳум одамларнинг овозлари.  
Сўнгра бир-бир пайванд қилинган таним;  
Гулнинг очилишидай севинганим...  
Ва чечаксиз бутун тоғлардан,  
Сархушлигингда бағримга оққан юлдузлар...  
Ўзимни айириб баъзан овунчлардан,  
Энди сенга қарайпман.  
Йиғламасанг бизни уялтирасан,  
Валентина Тиренишова  
Ва гул юзли бутун аёллар,  
Уч кун боқилдилар кўз ёшларинг-ла...

Сен йиғларкан, овозимиз кўпайди,  
Қўлладик халқнинг оғриқларини мардларча.

Йиғламасанг қўк қайсарлик билан камрайди тупрокни,  
Бўш умидлар ичида парвосиз кўпаяр кир...  
Йиғлаляпсан, хиёнатга қарши ялтирас пичоқ,  
Бир пичоқки севгилим, бу унинг ишидир...

Бир шаҳарнинг узоқ тумани каби сўзларинг,  
Фамгин қора оёқланишга ҳозир,  
Мен ярайман, яроғланиб қўшиламан уларга,  
Уларга қўшилиб сенга етаман.  
Ҳар томоним чағиллар хавотир,  
Бир ўйин бошланар қўлимни мушт тутаман,  
Деворларга оловлар исмлар ёзаётир...

Бир куни бунда ўзини алдаб яшаган,  
Жўштирган қуёшда қовжираса ҳам...  
Санчиган ўқтомир бор, англашилган...

Бунда қўл ушлашган болалар ҳозир,  
Сениш кўз ёшлиарингни ўраб олишган,  
Юр, (ўтмишга) тўйга кетамиз...

## ЕЧИЛГАН СИРНИНГ ҒАМИ

Яшашдан бошқа узр топилмагач ишққа,  
Оқибатни бир-бир кўздан кечираяпман.  
Омоч ағдарган тупроқ шомидаги нам,  
Маъдан тутуналаридан кейин кучланган сехр,  
Баъзан таъқиқ китоблар берган туйғулар...  
Нимага экан-а? Яшамоқсўзини осий қилган нарса.

Совуқ сувлар тўкилган кўчаларга сакрадим,  
Сўроқладим қанча қора сифатларни елкалаб,  
Ипда бўйним бўлса, оғзим шаҳват ялоғида.  
Қоришиб, олишиб, онт ичиб ойналар синдиридим,  
Табиатдан бир садо кутдим бекорга...  
Қарасам оқшомни, зулматни ҳамма қабул қилди  
Ва ҳеч бир машру томони қолмади ҳаётимнинг...

Сўзларимнинг маъноси мени қўрқитади,  
Бунақасига тайёрмасман ҳали,  
Билиш...  
Бу қўрқинчли, лекин билнпман яна,  
Ёмғирда яраси очилган боладай,  
Ечилган сирларнинг ғами,  
Вужудимни қамрамоқда битмас ярадай!...

## ЭСОНЛИК БИЛДИРИШ НОМАСИ

Бир шаҳарнинг ёйма бозорлари,  
Қандил кечалари, бўхур<sup>28</sup> тутунлари.  
Тутамаса...  
Ёмғирдан сўнг кўчалари ўртадан турмаса,  
У шаҳардан ўч олиш вақти келди демакдир.

Туйғулар қадоқланса тижорат учун,  
Қолипда одамни мақтаган сохта шеърлар бўлса,  
Газеталар тутса фақат дунё калимасини,  
У дунё, у шеърлардан ўч олмоқ керак демакдир.

Улим келар, ўлим туйғусига беписанд  
Ва зако отажон ҳолидаги нафрати.  
Сўзлар ёлғон, қўшиқлар равон бўлса,  
Демак бу қўшиқлардан ўч олмоқ фурсати етди...  
Йўқса болалар бирданига катта бўлиб қолади...

Ёрлик қатъий-ғам чекиш рухнинг иши,  
Гина жимдир, бу жимлик исми чидамдир.  
Сукутдаги кемтиклар қоп-қорадир,  
У қоранинг демакки, жазоси идомдир<sup>29</sup>.

Шафқатсиз юрак! Кўринмасанг олқишлиланасан,  
Эз бутун гулларни, ўзингни ҳайвон дедир.  
Ҳақсизлик қил, ҳақсизлигинг билинсин,  
Агар шундай бўлмаса, ўч олмоқ керак,  
Вассалом!...

<sup>28</sup> хушбўй ҳидли тутовчи таёқча

<sup>29</sup> ўлдирилиш

## XX АСР ТУРК ШЕЪРИЯТИ ҲАҚИДА БИР ОФИЗ СҮЗ

Шарқда шеърият ҳамиша адабиётнинг қиёфасини белгилаб, унинг савиясини кўрсатишда асосий мезон бўлиб келган. XX аср турк шеърияти ҳақида сўз юритилар экан, бу шеъриятнинг илдизлари ниҳоятда қадимийлигини таъкидлаган ҳолда, XIX асрнинг сўнгги чораги ва XX асрнинг биринчи ярмидаги шаклан ва мазмунан кескин ўзгаришлар, янгиланишлар бўлганлигига эътиборни қаратмоқ зарур. Танзимот даври (1860-1895)да адабиётга олиб кирилган янгиликлар, хусусан шеъриятнинг янги қиёфа касб этиши XX аср турк шеъриятининг тамал тошини қўйганди. Тавғиқ Фикрат томонидан бу шеърият бир пофона юқори кўтарилиб, Аҳмад Ҳошим, Яхё Камоллар ижодида муносиб давом эттирилиши XX асрдаги турк шеърияти ривожланишини янги ўзанга буриб юборди.

1923 йил 23 октябрда Туркия жумҳуриятининг эълон қилиниши, даврдаги ижтимоий-сиёсий ўзгаришлар адабиётга ҳам таъсир қилмай қолмади. XX аср адабиётини мухитдан ва адабиётдаги ўзгаришлардан келиб чиқиб, турк адабиётшунослари, жумладан, Ҳусайн Тунжер қўйидагича тасниф қиласидар.

1. 1923-1940 йиллар адабиёти
2. 1940-1960 йиллар адабиёти
3. 1960-1980 йиллар адабиёти
4. 1980- йиллардан сўнгги давр.

XX аср турк шеъриятининг ривожи қай тарзда кечди? Ундагя ўзига хосликлар нималарда кўринади? XX аср турк шеърияти ҳақида маълум бир тасаввур ҳосил қилиш учун бу саволларга қисқача жавоб беришга ҳаракат қиласидар. 20-йилларнинг иккинчи ярмидан бошланган янгиланишда Нозим Ҳикмат ижоди аҳамиятга эга. Илғор жаҳон адабиёти ва ҳалқ оғзаки ижодидан озиқланган Нозим Ҳикмат шеърлари аср бошидаги турк адабиётида улкан воқеа бўлди.

Унинг 1929 йил нашр қилинган "835 сатр" шеърлар китоби "турк шеъриятида бир бомба каби портлади" (Мехмен Фуат). "Қуёшни ичганлар қўшиғи", "Оркестр", "Ёнғин", "Ёнартоғ", "Родос ҳайқали" каби шеърлари шаклан ва мазмунан тамомила янгилик эди. Машҳур адаб Ёқуб Қодри бу тўплам ҳақида шундай ёзган: "835 сатр" турк шеъриятидаги, ҳатто турк тилидаги инқилобнинг илк сатридир. У (Нозим Ҳикмат) фақатгина турк шеъриятида йўл очган бир инқилобчигина эмас, ҳеч билмаганимиз янги бир шоир типидир".

Нозим Ҳикматнинг қўйидаги:

*Буюк инсонликнинг тупроғида соя йўқ кўчасида чироқ  
деразасида ойна...*

*Аммо умиди бор буюк инсонликнинг  
умидсиз яшай олмас.*

("Буюк инсонлик", М.Аъзам таржимаси).

каби мисралари 80-йиллар турк шеърияти учун шаклан ҳам, мазмунан ҳам янгилик эди.

30-йилларнинг охирида турк шеъриятида яна бир янги тўлқин пайдо бўлди. 1937 йилдан "Ворлиқ" журналида нашр қилина бошлаган Ўрхон Вали, Ўқтой Рифат, Мелиҳ Жавдат Ондайлар шеърлари 40-йиллар шеъриятига тамомила янги рух олиб кирди. Уччала шоир асос солган "Уч оёқ" гуруҳи 1940 йилда "Фарид" тўпламини эълон қиласидар. Тўпламга ёзилган сўзбошида шоирлар шеърият ҳақидаги ўз қарашларини ҳам баён қиласидар. "Уч оёқ"ликлар учун асосий мақсад оддий инсоннинг ҳаёти, ички кечинмаларини тасвирлаш эди. Ўта тумтароқликдан қочиш, қисқа жумлаларда содда тил билан салмоқли фикр айтишнинг яхши намунаси эди уларнинг шеърлари. Ўрхон Вели шеърларидан бир мисол:

*Нималар қилмадик шу Ватан учун*

*Кимимиз ўлдик*

*Кимимиз нутқ сўзладик.*

("Ватан учун", М.Аъзам таржимаси)

Ёки Ўқтой Рифатнинг бу гўзал сатрларини кўринг:

*Шохингизни силкитсак бизлар*

*Тўкилади ерга юлдузлар.*

("Тут дарахти", М.Аъзам таржимаси).

"Уч оёқ"лилар анъаналарини Бехжет Нажотигил, Нажот Жумали, Сабоҳиддин Қудрат Ақсал каби забардаст шоирлар давом эттириди. 50-йилларда "Биринчи янги шеър" шоирлар гурухи пайдо бўлди. Бу гурух ўз вақтида шеърияпа нимадир олиб кирган бўлса ҳам, ўта соддаликка интилиш, айрим шеърий компонентларни инкор қилиш уларнинг камчилиги эди. Бу оқимга қарши "Иккинчи янги шеър" оқими вужудга келди. Бу шоирлар "шеърга (anlam) фикр керакмас" шиори остида иш кўрдилар. Бу нарса оқимнинг вакилларидан Жамол Сурайё таъкидлагандек бадиийликнинг пасайишига, тилнинг мураккаблашишига олиб келди.

60-йиллардаги ижтимоий-сиёсий ўзгаришлар адабиётда ҳам ўз аксини топди. Жамиятдаги қусурлар ҳақида, омма ичидаги муаммолар хусусида кўпроқ ёзила бошлади. "Тўплумсал" оқими дея ном олган бу шоирларнинг йирик вакили Фозил Ҳусну Доғларжадир. XX аср турк шеъриятида ўзига хос ўрни бўлган Ф.Ҳ.Доғларжа жами-гѓдаги ишсизлик, зўравонлик, бошбошдоқликлар, Онадўли дехқонларининг оғир турмуш тарзи ҳақида ёзди. Унинг шеърларида инсон эрки, руҳи, одамлар қадрини куйлаш устивор эди. Шоирнинг жамиятдаги ҳақсизликларни кўриб, жим туришини Ф.Ҳ.Доғларжа жиноят деб билган, шунинг учун унинг шеърларида гражданлик пафоси кучли. Инсон ўз бахти, Ватан равнақи учун курашчи бўлишини таъкидлаган шоир, "кўрлар каби қоронғудан қўрқмас"ликни уқтиради. "Болам, қўшиқлар айтгин кўчаларда, овозинг гўзаллигини йўқотмасдан" сатрлари Ф.Ҳ.Доғларжа дунёқараш мфодаловчи шеърдандир.

*Эй қушча, сенинг ноланг*

*Қуёшга юлдузга етмас*

*Эй қушча, сенинг ноланг*

*Кўнглимдан сира кетмас.*

("Ҳақиқат", Т.Жўра таржимаси)

Чўлпон ва Ойбекнинг шеъриятини эслатувчи бу тўртлик Ф.Ҳ.Доғларжа шеъриятида пинҳоний фикр, рамзнинг тагдорлиги яққол сезилади. XX асрнинг иккинчи ярмида ижод қилган турк шоирларига Ф.Ҳ.Доғларжанинг таъсири катта бўлди. Умуман, XX аср турк шеърияти мавзу ва шакл жиҳатдан ранг-баранглиги билан ажralиб туради. Бу шеъриятда инсон қадри, эрк мотивлари юқори пардада куйланиб, урушга қарши нафрат, ҳақсизлик, зўравонлик, инсоний камситишларга исён руҳи сезилиб туради.

Ушбу "Замонавий турк шеърияти мажмуаси"га шеърлари киритилган шоирлар ҳар бири ўз овозига эга бўлган шоирлардир. Нозим Ҳикмат, Нажиб Фозил Кисакурак, Жоҳит Ситқи Таранжи, Ўрхон Вали Қаниқ, Фозил Ҳусну Доғларжа, Атилла Илҳан, Жамол Сурайё, Исмат Ўзал ва бошқалар. Н.Фозил Кисакуракнинг қуидирги сатрларидағи фалсафий теранликка эътибор қилинг:

*Чаён нишларини руҳимга сўқир*

*Мавсумдан мавсумга ўтдим мен қанча...*

*Кўрдимки, оловнинг тафтида йўқдир,*

*Фикр азобидай буюк исканжа...*

Ёки

*Бу ёмғир, бу ёмғир, бу қилдай нозик,*

*Нафасдан нағисроқ ёққан бу ёмғир.*

*Тиниб қолмасин деб оларман ҳадик,*

*Ойналар юзимни танимай қолур.*

Бунингдек мисраларни тўпламга киритилган ҳар бир шоир ижодида топиш мумкин.

Модернистик руҳдаги сатрлар, умуман модернистик шеърлар турк адабиётида Фарбнинг таъсирида абсурд, символизм, экзистенциализм каби оқимлар таъсирида юзага келган бўлса, 80-йиллардан бошлаб турк шеъриятида анъанавий шеърият унсурларига эътибор кучайди. Бадиийлик бош мезон бўлган, ўтмиш ва замон воқеалалига янгича муносабат 80-йиллар турк постмодерн шеъриятидаги ўзига хос хусусиятлардир. Фикримизга яна бир далил сифатида тадқиқотчи Шермурод Субҳоновнинг қуйидаги сўзларини келтиришимиз мумкин: "Шу нуқтаи назардан қараганда, 80-йиллар турк постмодерн шеърияти ўзидан олдинги салафларидан фарқли ўлароқ, ҳеч қандай Farb адабий оқимларига тобе бўлмаган, аксинча, ҳар қандай синфий ва сиёсий қарашлардан ҳоли соф шеър тарафдорларининг шеъриятидир. Бундай шеъриятнинг постмодерн деб номланишининг ўзи ҳам моҳият эътибори билан маълум бир давр ёки мафкурага боғланиб қолмай, замонлар оша ўз жозибасини ва аҳамиятини йўқотмайдиган, шу билан бирга ўзи дахлдор маконнинг шонли тарихий-маданий ва мумтоз адабий анъаналарига янгича шакл ва мазмун олиб киришни кўзловчи шеърият ҳисобланади". ("Шеърият иқлими", Ш.Субҳон. Тошкент, 2005).

Турк постмодерн шеъриятининг йирик вакили Туғрул Танёл ҳам турк шеъриятининг анъаналарига янгича қарашни катта муваффақият деб қараганди.

Ўзбек китобхонлари турк шеърияти билан хусусан мажмуага киритилган айрим шоирлар (Н.Хикмат, О.Вали каби) ижоди билан аввалдан таниш. Баъзи ўзбекчага ўғирилган шеърлар таржимасига ёш таржимон Абдулатиф Абдуллаевнинг қўл уришини ижобий маънода англамоқ керак. Бу аввалги айрим таржималарнинг маҳорат билан қилинганилигига шубҳа билдирамайди, аксинча шоир ижодига қизиқишининг ортиши, ёш авлод кўзи билан қарашга интилиш бу. Ўтган асрнинг 80-йилларида кичкинагина китобча ҳолида ҳозирги замон турк шеъриятидан намуналар эълон қилинганди. Ушбу тўплам китобхонни янги номлар билан таништириш баробарида XX аср турк шеърияти ҳақидаги тушунчамизни бойитиши шубҳасиз. Айрим шоирлар ижодини англаш бироз қийин кечар, бу адабиётнинг турфа хиллигидандир. Ўзга бир ҳалқ адабиёти шунинг учун ҳам қизиқарлики, унда китобхон ўзгача қараш, янги образлар силсиласига дуч келади. Агар дунёдаги барча ҳалқлар адабиёти бир хил бўлганида, таржимага зарурат қолмаган бўларди, балким. Тўпламдаги шеърлар таржимасида айрим нуқсонлар бўлиши табиий, албатта. Лекин бу ёш таржимон Абдулатиф Абдуллаевнинг заҳматли меҳнатини заррача камситмайди. Аксарият таржималар муваффақиятли чиқсан бўлиб, таржимоннинг сўзни ҳис қилиши сезилиб турибди.

Азиз китобхон! Чаман қанча кенг бўлса, шунча гўзалдир. Сиз қанчалик кўп дунё шоирларини танисангиз дилингиз шунчалик шеърият ифоридан баҳра олғай.

**Адҳамбек АЛИМБЕКОВ,  
адабиётшунос, филология фанлари номзоди,  
ЎзМУ доценти**